

BIBLIOTHECA  
SCRIPTORVM GRAECORVM ET ROMANORVM  
TEUBNERIANA

HORAT. ROM.

POECARIA

EDIT

M. LEHNERIT



1911

LIPSIÆ  
IBVS B.G. TEUBNERI

PA  
6104  
.H7  
P7











# HORATII ROMANI


## PORCARIA

SEU DE CONIURATIONE STEPHANI PORCARI CARMEN  
CUM ALIIS EIUSDEM  
QUAE INVENIRI POTUERUNT CARMINIBUS

PRIMUM EDIDIT AC PRAEFATUS EST

MAXIMILIANUS LEHNERDT

ACCEDIT PETRI DE GODIS VICENTINI  
DE CONIURATIONE PORCARIA DIALOGUS  
E CODICE VATICANO ERUTUS



BOSTON COLLEGE LIBRARY  
CHESTNUT HILL, MASS.

MCMVII

LIPSIAE

IN AEDIBUS B. G. TEUBNERI

161439



PA 6104.

H7 P7

## Praefatio.

---

De Horatio Romano litterarum renascentium aetatis poeta, qui inde a temporibus Nicolai V papae laude artis poeticae apud aequales floruit, admodum pauca memoriae prodita sunt. Ne nomen quidem gentilicium cognitum habemus; praenomen ab ipso, cum Calixto III pontifice max. scriptoris apostolici munere fungeretur, scribebatur Horacius, in carminum autem quae inveniri potuerunt inscriptionibus legitur Oracius vel Oratius, utiturque ea nominis forma Joannes Vahlen, cum breviter agit de poeta in commentario qui inscribitur Laurentii Vallae opuscula tria (Sitzungsberichte d. phil.-hist. Classe der Kais. Akad. der Wissensch. vol. LXI, Wien 1869, p. 377).

Horatius quando natus sit ignotum est, unum summa cum veri specie dici potest prima artis poeticae specimina circa medium saeculum quintum decimum ab eo esse edita. Quare si — id quod a vero vix videatur abhorrere — Romae optimarum artium studiis imprimisque linguae graecae ediscendae operam eum dedisse arbitramur, praeclaris potuit uti magistris: Georgio Trapezuntio, Laurentio Valla, Theodoro Gaza tunc apud Studium quod dicitur Romanum rhetoricam grammaticam philosophiam profitentibus. Tempora autem erant eiusmodi, ut viri docti et poetae gloriam sibi et divitias comparare possent: anno enim 1447 Nicolaus V papa in solio pontificio locatus erat praeclarus ille litterarum artiumque fautor atque patronus. Cuius benevolentiae et liberalitati ut se commendaret, Horatius anno ut videtur



1453 carmina nonnulla a se composita in unumque corpusculum collecta ad Petrum Lunensem secretarium apostolicum misit libellum per eum in manus summi pontificis venturum esse sperans. De quo codice, qui ubi esset per tria fere saecula incertum erat, paucis iam agere mihi liceat.

Ioannes Gerardus Vossius in libro tertio operis quod conscripsit de historicis Latinis — primum in lucem prodiiit anno 1627 — haec dicit (ed. Lugd. Bat. 1651, p. 584): „*Fuit iisdem temporibus [quibus Candidus Decembrius] Horatius Romanus sive, ut MSus cod. habet, Oratius poeta. Hic ille est, qui precibus a Nicolao V pontifice exoratus primus Iliada Homeri transtulit Latine. Idem poema condidit libris II, cui nomen Porcaria. Est id de conspiratione Stephani Porcarii sive Porcii . . . Dedicavit hoc poema ipsi pontifici Nicolao. Praefatio gemina est, prosa una est, altera ad pontificem versu elegiaco. Poema ipsum sic incipit: [sequuntur sex primi versus Porcariae]*

*Etiam elegiam reliquit, cuius titulus Venus aurea. Item aliam ad Fr. Sfortiam ducem Mediolani quae incipit: Dive virum lapsura —*

*Scriptor est non aspernandus plane, sed qui sordidi aliquantum trahat ab aevo quo vixit. MSo eius codice usus sum ex bibl. doctiss. et amiciss. viri Arn. Buchellii J. C. Ultrajectini.“*

Quem Vossii locum afferre scriptores posterioris aetatis velut Apostolus Zeno, Fabricius, Vahlen, Tommasinus satis habent, ipsum vero Buchellii codicem nemo post Vossium videtur inspexisse. Atqui exstabat codex exstabatque in publicis bibliothecis, primum in tabulario provinciae<sup>1)</sup>, nunc vero in bibliotheca universitatis Rheno-Traiectinae, cui qui praeest benigne mihi transmisit

---

1) Van den leve ons heren. Een Rijmwerk uit de Middeleeuwen. Naar een Hs. der XV eeuw uitgegeven door P. J. Vermeulen, Utrecht 1843, p. XLII.



librum tam diu desideratum. Est codex 826 catalogi typis impressi<sup>1)</sup>, noviter signatus Ms. var. 411, membranaceus, forma octava minore. Constat ex chartis 36, quorum primum ultimaque tria textu carent, lateribus ubi dissecta sunt folia auro tinctis. In singulis paginis viceni bini, in paucis viceni singuli versus manu Italica saeculi quinti decimi elegantissime scripti sunt singulis locis secunda eiusdem saeculi manu correctis. Quae manus nescio an in margine quoque adnotaverit nomina propria quae in textu occurrunt vel attinent ad carminis verba rectius intellegenda; etiam graviter quaedam dicta, in iis loca ad gloriam pontificis pertinentia, itemque comparationes poeticae in margine notis apposis designantur. In primo folio manu saeculi septimi decimi legitur locus quidam ex Sabellici hist. Ven. lib. XXVII<sup>o</sup> excerptus<sup>2)</sup>, ubi agit de coniuratione Stephani Porcarii. Cui altera manu, quae, ut affirmat Vermeulen l. c., ipsius est Buchellii, addita sunt haec: *hac narratione continetur argumentum huius poematis. cuius quoque rei meminit Platina in vita Nic: V. pontif: et ex eo Benterus in Ephemeris Histo: pa 27.* — Eadem ut videntur manu in ultima codicis pagina scripta leguntur

*Hunc librum emit in auctione S Aldegondiana  
A<sup>o</sup> CIO IO IC Arnoldus Buchellius Batavus.*

Quo codice quae continentur cum plane congruant cum carminibus a Vossio allatis non debet dubitari, quin liber Rheno-Traiectinus idem sit quo quondam usus est Vossius. De Arnolde Buchellio minore iurisconsulto rerumque scriptore haud ignobili, qui vixit ab anno 1565 usque ad annum 1645<sup>3)</sup>, nuperrime egit van Langeraad

1) Catal. codd. mss. bibliothecae universitatis Rheno-Traiectinae, Traiecti ad Rhenum 1887, p. 213.

2) Ed. Basil. 1669 p. 520. Incipit: His minis bellorum — Expl.: ad supplitium tractus est.

3) Burmannus (Traiectum eruditum Trai. ad Rhen. 1738, p. 38) eum anno 1641 mortuum esse tradit.



in ephemeride quae inscribitur Archivio della società Romana di storia patria XXIII. 1900 p. 6sq. Ibidem diarium itineris italici quod ille susceperat annis 1587 et 1588 vulgatum est. Anno autem 1599 Ultraiecti sedem habebat Buchellius codicemque illum emit ex hereditate cuiusdam de S. Aldegonde familia Batava nobilissima.

Veniamus nunc ad carmina quae in codice nostro leguntur breviter illustranda. Quae ab ipso Horatio in unum corpus redacta esse certum videtur, errat enim Vossius cum praefationem prosa oratione conscriptam ad solam Porcariam pertinere dicit. Immo ad totum corpusculum referri debet neque altera praeter eam exstat praefatio; etenim qui sequuntur versus elegiaci ad pontificem conscripti non praefatio, sed primum corporis carmen est existimandum. Codex autem eleganter scriptus nitideque ornatus nescio an idem sit quem Petro Lunensi Nicolai V familiarissimo misit Horatius. Erat is poeticae humanitatisque studiis et ipse deditus amicitiaeque vinculo coniunctus cum Poggio Florentino Leonardoque Bruno Aretino, itemque filii eius quem Horatius commemorat, cui nomen erat Baptista, versus leguntur in Anecd. litterar. vol. III (Romae 1773) p. 431.<sup>1)</sup>

Quam praefationem quae sequuntur carmina haec sunt:

1. Ad Nicolaum V elegia. Celebrat poeta egregiam virtutem pontificis, quo regnante aurea saecula redisse videantur. Imprimis autem opera ab eo suscepta summis effert laudibus, quae magnificentia et pulchritudine omnia antiquitatis aedificia longe superent. Quorum operum notis in margine adiectis commemorantur ab Horatio haec:

Palatium apostolicum iuxta ecclesiam S. Mariae

---

1) Mancini, Vita di Lorenzo Valla, Firenze 1891, p. 286 N. 3, p. 275 N. 6. Liber, quem olim possedit Petrus ille, qui asservatur Viterbii in bibliotheca Capitulari, epistulam eius continet ad Leonardum Aretinum scriptam, cf. Revue des bibliothèques vol. V, 1895, p. 244.



Maioris situm a pontifice erectum et amplificatum. Quod opus anno 1452 satis iam processisse e bulla ipsius Nicolai intellegitur, quam affert Müntz *Les arts à la cour des papes I*, 144.

Pantheon vel ecclesia S. Mariae Rotundae, quam, ut ait Horatius, „sacra ferunt matri templa fuisse deum“. Quod antiquitatis monumentum plumbeo tecto restituisse Nicolaum Platina quoque tradit in vitis pontificum, cf. Müntz l. c. p. 145.

Castrum S. Angeli inde ab anno 1447 reffectum et munitum, Müntz p. 150.

Pons Milvius seu ut dicit Horatius Mollius (in margine per errorem scriptum est emilius), cuius mediam partem ligno fabricatam lapideam exstruxit pontifex turrimque in dextra fluminis ripa coepit aedificare. *ibid.* p. 158.

Aedes Vaticanae a Nicolao restitutae et amplificateae murisque et turribus cinctae, quod opus praeter cetera praedicandum censet Horatius. *ibid.* p. 115.

2. Porcariae libri duo, quod carmen epicum constat ex 1053 versibus hexametris, de quo dixi in commentario qui inscribitur „die Verschwörung des Stefano Porcari und die Dichtung der Renaissance“ (*Neue Jahrbücher für das klass. Altertum, Geschichte und deutsche Litteratur* 1903 I. Abteil. Bd. XI, p. 108). Quare de Stephano illo, qui coniuratione quam contra Nicolaum dominationemque pontificiam fecerat detecta a. d. V Idus Ianuarias anni 1453 una cum Angelo Masi filioque eius Clemente furca suspensus poenas sceleris luit, denuo hic verba facere supersedendum putavi, praesertim cum de ipsis rebus gestis parum novi e versibus Horatianis cognoscatur. Quo carmine non tam in animo habuit poeta coniurationem illam quaeque eam secuta essent describere, quam ut summi pontificis gloriam praedicaret seque ipsum clementiae eius commendaret. Neque enim ullam praetermittit occasionem, quin pontificis virtutes beneficiaque in urbem Romam congesta collaudet et celebret, neque ob aliam

causam de quattuor urbis aetatibus latius ac diffusius verba facit, nisi ut postremo Nicolai pontificis dominationem felicissimam et gloriosissimam urbis aetatem esse praedicet, quae cum reliqua Italia continuis bellis inter Franciscum Sfortiam et Venetianos Alfonsumque regem Neapolitanum ortis fatigetur, pace fruatur et tranquillitate praeclarissimisque a pontifice communiatur atque exornetur operibus. E quibus commemorat Scipionemque ad superos reversum summopere admirantem facit moenia urbis, quae per Beltramum Martini filium redemptorem exstruantur<sup>1)</sup>, basilicam S. Petri aedesque Vaticanas.

Iam vero si quaerimus, quae potissimum veterum poetarum exempla cum in argumentis tum in dicendi genere secutus sit Horatius, plurimum Vergilio eum debere nemo est quin videat. Inde quae de regno inferorum tradit omnia fere hausta sunt: Charon, Cerberus, Minos, portenta allegorica limen Ditis servantia, Furiae illique qui aeternas poenas luunt itemque sedes secretae ducum clarorum, Catilina denique et Cato, nisi quod Uticensem ponit Horatius pro Censorio. Scipionis Africani res gestas, quod iam inde a Francisco Petrarca illustrissimum Romanae virtutis exemplar existimabatur, ex Livio cognitas habet. Cuius umbra similiter mortali corpore induitur apud Horatium quo Erichthonem in Lucani Pharsalia (VI, 750sq.) corpori occisi animam vitalemque calorem red dentem videmus, itemque Ovidii Statiique carmina satis diligenter eum legisse apparet. Neque desunt quae ex Dantis Aldigerii opere egregio sint desumpta, qui umbras mortuorum similiter flammis involvi et a colubris anguibusque vexari<sup>2)</sup> facit atque Angelum illum Porcarii sororis virum Horatius, ibidemque invenit Cerberum dentibus unguibusque damnatos lacerantem.<sup>3)</sup> Sicut autem

---

1) Porcaria I, 514 II, 241. — De Beltramo cf. Müntz l. c. p. 104. 159.

2) Inferni cant. XXVI, 47. XXIV, 82 sqq.

3) ibid. VI, 18.



Porcarii comes in aquam Stygiam delapsus manibus atque ore ratem capit Charontis (Porc. I, 166), ita Philippi de Argentis Florentini iracundum simulacrum navigium Phlegyae Stygem traiecturi comprehendisse apud Dantem legimus.<sup>1)</sup>

Neque in argumenti modo et genere dicendi sed etiam in re metrica versuumque ratione Horatium ad exemplar veterum poetarum artem suam laudabiliter excoluisse apparet. Cuius in carminibus quamquam non desunt, quae ab elocutione et arte metrica antiquorum auctorum abhorreant, tamen longe in ea re praeferendus esse videtur Josepho Brippio Registraturae quae dicitur pontificiae praefecto, cui et ipsi carminis edendi occasionem praebuit Porcarius. Quo de carmine ad ea quae dixi in commentariolo quem commemoravi lectorem revocare mihi liceat.

3. Carmen elegiacum, quod inscribitur Venus aurea. Cuius argumentum sumpsit Horatius e carmine *Ἐρως δραπέτης* quod Moschi perhibetur, neque tamen accurate illud in linguam latinam transtulit ut postea Angelus Politianus<sup>2)</sup>, sed summa libertate argumento usus novum prorsus carmen altero fere tanto maius alioque versuum genere effinxit.

4. Ad Franciscum Sfortiam ducem Mediolani elegia epistola ad Nicodemum quendam praemissa, quem ut carmen principi tradat hortatur. Conscriptum videtur anno 1451 foedere inter Alfonsum regem et Venetianos icto belloque contra Sfortiam Florentinosque cum eo coniunctos imminente, cum metus esset, ne regis exercitus in fines pontificis irrumperent. Monet autem Sfortiam, cuius potentia atque auctoritas quantum tunc apud omnes valuerint nemo est qui nesciat, ut communi hoste propulso opes pontificias restituat pacemque reddat Italiae,

---

1) Inferni cant. VIII, 40.

2) Amor fugitivus e greco Moschi in Politiani Opp., Basileae 1553, p. 93. Prose volgari e poesie latine e greche di Ang. Poliziano ed. del Lungo, Firenze 1867, p. 525.

cuius imperium fatis sibi sit destinatum. Nicodemum autem illum, ad quem Horatius carmen miserat, Nicodemum Tranchedinum Pontremolanum Sfortiae familiarem esse summa cum veri specie licet suspicari, qui illo ipso tempore legatus Romae munere ducis fungebatur.<sup>1)</sup>

Horatii carminibus, de quibus adhuc diximus, lectis Nicolaum V adductum esse, ut poetam ad maius opus aggrediendum impelleret haud videtur improbabile. De qua re Aeneas Sylvius in Historia de Europa anno 1458 confecta haec dicit<sup>2)</sup>: *In Homeri vero poemate, quod heroico carmine latinum fieri magnopere cupiebat, cum plurimi morem ei gerere conarentur, unus tantum inventus est, qui acri eius iudicio satisfaceret, Horatius Romanus, qui scribatum apostolicum ea de re consecutus magnisque pollicitationibus illectus Iliadem aggressus nonnullos ex ea libros latinos fecit dignos, quos nostra miraretur, prisca non improbasset aetas.* Quodsi unum Horatium pontificis iudicio satisfacisse dicit, rem certe verbis nimis auxit Aeneas, cum etiam specimine Iliadis a Carolo Marsuppino cancellario Florentino translatae summa admiratione affectum esse Nicolaum constet. Mortuus autem est Carolus mense Aprili anni 1453 sex mensibus post quam per litteras eum collaudaverat pontifex<sup>3)</sup>; atque tum demum Horatium spe favoris pontificii commotum vel ab ipso instigatum opus ab illo omisum suscepisse crediderim — opus certe vires eius excedens, quippe quod vel Basinus Parmensis poeta longe pluris aestimandus modeste a se removerit.<sup>4)</sup> Nonnullos autem Iliadis libros quamvis non sint reperti quin re vera transtulerit Horatius non est cur dubitemus, cum etiam postea Pio II pontifice Homero transferendo operam eum dedisse efficiatur e

---

1) Pastor, Geschichte der Päpste <sup>3</sup>I, 364. 426 aliisque locis.

2) Aeneae Silvii opera, Basileae 1551, p. 459.

3) Voigt, Wiederbelebung des class. Altertums <sup>3</sup>II, 195.

4) Basinii Parmensis opera, Arimini 1794, T. II. P. I, 13.



Porcelii carmine papae illi dedicato quod inscribitur *de poetis et oratoribus sui temporis*. Quo in carmine ita alloquitur Horatium:

*Huc ades Orati veterem qui vertis Homerum,  
Pegaseos latices cui mea Musa dedit.*<sup>1)</sup>

Accedit quod exigua saltem pars Iliadis ab Horatio translatae nobis servata est, quod specimen suscepti operis ad Iohannem Tortellium cubicularium pontificium destinaverat. Repperi autem in codice Vaticano lat. 3908, quo volumine multae epistolae inde ab anno 1445 usque ad Pii II tempora ad Tortellium datae comprehenduntur. Cuius in codicis plagula 173 chartacea haec leguntur:

*Homeri poetae cla. ex greco in latinū uersi per oratium liber primus incipit yliad.*

Sequuntur primi duodesexaginta versus Iliadis, quos ipsius Horatii manu scriptos esse non sine causa suspicemur. Desinunt autem in eiusdem chartae pagina altera, cuius inferior pars scriptura vacua mansit. Quare quamquam quae sequitur codicis charta 174 amissa est, tamen alios versus ab Horatio translatos excidisse iure negari potest.

Quod Homeri conversi specimen carminibus Horatianis me inseruisse eosdemque versus a Marsuppino translatos<sup>2)</sup> addidisse vix quisquam vituperaverit. Nam quamquam Vossium cum Horatium primum Iliada in Latinam linguam convertisse diceret, graviter errasse vix debet affirmari, tamen in eo numero est habendus, qui postquam prosa oratione haud pauci ante eum Homerum expresse-  
runt, primi versibus latinis immortalia illa carmina tran-

1) Vahlen l. c. p. 378 e codice Rossettiano XII bibliothecae municipalis Tergestinae. Carmen, quod legitur etiam in Codice J VII 260 Bibliothecae Chigianae, nuper editum esse accepi a V. Laurenza (Atti d. Accad. di archeol., lettere e belle arti di Napoli vol. XXIV); cuius voluminis videndi non mihi fuit copia.

2) Bandini, Bibl. Leop. Laurent. II, 439. Descripsit e codice Laurentiano Felix Ramorinus vir egregius.

scribere conati sunt, quod opus esse difficile sane et arduum iure dicit Iannotius Manettus in vita Nicolai V. Nam quamquam singuli Homeri loci iam multo ante, velut in Francisci Barbari libro quem anno 1415 de re uxoria edidit latinis versibus redditi inveniuntur, tamen ut tota carmina hoc modo transferrentur non ante Nicolai V aetatem viri docti operam dederunt. Cuius quantum interfuerit Homerum illum vere latinum possidere et notum est neque debet demonstrari longe aliud opus eius animo obversatum esse atque Coluccio Salutato, qui anno 1392 Antonium Luscum poetam ut graeci poetae verbis neglectis e barbara illa et inculta Leontii Pilati interpretatione carmen heroicum faceret hortatus est.<sup>1)</sup> Sed ne Horatium quidem poetae verba omnia recte intellexisse, omisisse quaedam, alia apposuisse nemo non videbit, quicumque versus ab eo translatos cum textu graeco comparaverit. Quare collatis Horatii et Marsuppini translationibus quamquam elegantiore forsitan ille et expeditiore orationis genere usus sit, Florentinum tamen poetam maiore fide ac diligentia verba Homeri expressisse confitendum est.

Pontifice mense Martio anni 1455 mortuo Horatius quamquam non prorsus omisit minore certe industria indulsit operi. Scribatu autem apostolico quem a Nicolao acceperat etiam temporibus eius pontificis qui illi successerat functus est, cum in volumine epistularum Calixti III nomen eius legatur, quo appposito apographum cum epistola originali consentire confirmaverit.<sup>2)</sup> Cumque Pium II pontificem compluribus celebraverit carminibus, quin etiam postea apud curiam vixerit non est dubitandum. Quibus poetae muneribus ut pecunia eum honoribusve remuneraretur Pium adductum esse vix crediderim, quippe qui et ipse vir doctissimus scriptorque excellens carminibus sibi

---

1) Epistolario di Col. Salutati ed. Novati II, 354. 398.

2) G. Amati, Notizia di alcuni manoscritti dell' archivio segreto Vaticano. Archivio storico ital. Ser. III, Vol. III, P. I. 180.



dedicatis rarissime moveretur. Qua spe ad irritum redacta num adductus sit Horatius, ut gloriam bellicam Sigismundi Malatestae principis Ariminensis hominis papae infestissimi versibus celebraret, dici non potest. Quod eum fecisse e carmine poetae cuiusdam ut videtur Romani anno 1467 ad Malatestam misso cognoscimus, ex quo Horatium paulo ante repentina morte absumptum esse efficitur. Cuius carminis ab Eugenio Müntz editi versus sunt hi<sup>1)</sup>:

*Non ego te altisona princeps celebrande Camoena  
Cantabo armipotens inferiore lira:  
Quam tua dextra potens bello sit, Horatius edit  
Praecipiti celeris limine mortis inops.*

Sed redeamus ad carmina illa, quae ad Pium II pontificem destinavit Horatius. Inveniuntur in corpore carminum a pluribus poetis in laudem Pii II conscriptorum, cuius corporis duo mihi innotuerunt codices:

1. Cod. XII bibliothecae quondam Rossettianae, qui nunc in bibliotheca municipali Tergestina asservatur (Ms. XII. Sez. 2<sup>a</sup>): Epaeneticorum ad Pium II libri quatuor. Continet 77 carmina orationes epistulas 27 circiter scriptorum, quorum tabulam invenies in libro qui inscribitur: In onore e memoria dei tre vescovi di Trieste Enea Silvio dei Piccolomini, Andrea dei Rapicii, Rinaldo Scarlichio, Trieste 1862, p. 20. Qui codex cum fieri non posset ut mihi transmitteretur, Ioannes Vahlen vir clarissimus qua est humanitate carminum Horatianorum apographum ab Ottone Koren factum mecum communicavit.

2. Cod. J VII 260 Bibliothecae Chigianae Romanae quem indicavit Pastor, Geschichte der Päpste II, 27. Carmina illa excerpit Eduardus Loch collega meus, cui hoc quoque loco liberalitatis debitas ago gratias. Continet autem codex eadem ac Tergestinus Horatii carmina,

---

1) E. Müntz, Plans et monuments de Rome antique. Mélanges G. B. de Rossi, Rome 1892, p. 142.

erravit enim Josephus Cugnoni vir clarissimus, cum in Chigiano unum Horatii carmen inveniri mihi scriberet, quod deesset in Tergestino.<sup>1)</sup>

Quibus in codicibus quae leguntur carmina Horatiana haec sunt:

1. Epigrammata novem, quorum primum est pro prooemio; eorum quae sequuntur bina ita inter se coniuncta sunt, ut singulis distichis, quae ipsi Pio sunt attributa, quaternis vel ternis respondeat poeta.

2. Oratius Romanus Pio II pont. max., sex tantum disticha continens. Scripta videntur postquam pontifex a conventu Mantuano Romam rediit (Octob. 1460).

3. Oratius Romanus Pio II pont. max. Carmen scripsit poeta cum Mantuae commoraretur pontifex, ut principes Europae civitatesque Italiae ad bellum Turcis inferendum impelleret. Quorum principum potentissimos Franciscum Sfortiam et imperatorem Fridericum III post pontificem fusius alloquitur hortaturque alterum ut desidia oblitus bellum moliretur Venetosque et Neapolitanos sibi adiungeret, alterum ut bello quod contra Matthiam Corvinum Ungariae gerebat omisso exercitus in Turcos diverteret Sfortiamque iis ducem praeficeret.

4. Oracii Romani ad Pium II pont. max. de pietate unde dicatur et quod quina pietas sit in Pio quemadmodum quinque lunae in armis designantur, prima in deum, secunda etc. ut in pr[oposito]. Est autem secunda pietas in patrem Silvium, tertiam celebrat clementiam qua in victos hostes uteretur, quartam nativae telluris amorem, artium ingenuarum studium poetarumque favorem ultimam.

Restat in laudem Francisci Sfortiae ducis Mediolanensis carmen quo ad bellum Turcorum eum incitaret simul cum tertio carminum ad Pium II destinatum conscriptum, cuius e versibus miserrime est consutum et conglutinatum. Descripsi e codice 1437 Biblio-

---

1) Neue Jahrbücher 1903 I. Abteil. Bd. XI p. 115 N. 1.



thecae regiae Lucensis (Cod. Lucchesini N. 149). Poetae nomen omisit Mancini in indice cod. lat. illius bibliothecae (Studi ital. di filol. class. VIII, 1900, p. 214).

---

Porcariae ceterisque Horatii carminibus adiciendum putavi Petri de Godis Vicentini de coniuratione Porcaria opusculum, quo inde a Dominico Georgio, qui anno 1742 Nicolai V vitam a se conscriptam edidit, illius aetatis rerum scriptores fonte usi sunt haud contemnendo. Remansit autem ineditum usque ad annum 1879, quo anno typis exprimendum curavit e codice Regimontano M. Perlbach.<sup>1)</sup> Quem codicem satis mendosum parumque accurate scriptum esse cum ipse vidit, tum O. Tommasinus<sup>2)</sup> verba scriptoris multo melius potuisse constitui, si Vaticanum ille codicem adhibuisset, optimo iure monuit. Quem ipsius auctoris manu conscriptum esse non plane a vero abhorrere videtur, certe notae quaedam Pandectarum Codicis canonicorum librorum locos designantes vel ab ipso margini adiectae vel ex eius exemplari desumptae sunt. Quare cum e codice Vaticano quem contuli anno praeterito textum excutiendum putavissem, tamen ne exemplar quidem Regimontanum prorsus abiciendum videbatur. Nam cum non singulis modo verbis, sed etiam totis enuntiatis ab illo abhorreat, nonnulla addat, omittat alia, ex priore quadam dialogi forma eum redundare suspicari licet, ita ut codice denuo collato quae a Vaticano discreparent pro adnotatione addenda existimaverim.

Petrum de Godis autem iurisconsultum et iudicem iudicii quod dicitur appellationis populi Romani fuisse e registris quae dicuntur camerae apostolicae ostendit Tommasinus l. c. p. 69. Quem tota ingenii indole studiorum

---

1) Petri de Godis Vicentini dyalogon de conjuratione Porcaria. Aus einer Königsberger Handschrift herausgegeben von Dr. M. Perlbach. Greifswald 1879.

2) Documenti relativi a Stefano Porcari. Archivio della società Romana di storia patria Vol. III, 1880, p. 67.

ratione genere denique dicendi non renascentium litterarum aetatis sed mediæ ævi esse neminem fugiet, quicumque dialogum ab eo conscriptum legerit. Codices autem manu scripti, quibus opusculum Petri continetur, hi sunt:

1. Codex Vaticanus lat. 3619 membranaceus sæculi XV, chartarum XVI, forma octava, long. 0,21, lat. 0,145 m, cuius singulae paginae XXII versus continent. Prima littera dialogi coloribus illuminata est, margini adnotati sunt scriptura minore loci bibliae vulgatae, Pandectarum, Codicis, iuris canonici alia nonnulla.

2. Codex Vaticanus lat. 4167 chartaceus miscellaneus sæculi XV exeuntis, quem descripsit Tommasinus p. 69. Petri de Godis opusculum legitur a fol. 202<sup>r</sup> usque ad fol. 210<sup>r</sup> cum codice 3619 consentiens adeo ut ex eo descriptum esse plane appareat, praesertim cum notae quoque margini illius codicis adscriptae ipsaque in fine subscriptio inde receptae sint.

3. Codex msc. 26. 4<sup>o</sup> bibliothecae Wallenrodtianae, quae est Regimonti Prussorum. Descripsit Perlbach p. 11 editionis suae pauloque accuratius in ephemeride quae inscribitur *Altpreußische Monatsschrift* Bd. X, Königsberg 1873, p. 566 sqq. Addendum est in libro a bibliopecto nuper resarto inscriptionem Georgii Rast qui eum bibliothecae donavit iam non legi omnesque nunc paginas numeris notatas esse. Petri opusculum legitur a pag. 487 usque ad pag. 498.

---

Codicum scripturam in omnibus gravioribus rebus secutus sum, alia leviora in eam quae nunc usui est scribendi rationem plerumque transtuli, praesertim cum interdum non sibi constant scribae. Scripsi ae vel oe pro e (pene, hec, prelium), ae vel e pro oe (soecula, loetum, foelix), v pro u, i pro y, tt pro ct (actoniti, actendere), c pro t (delitiae, dissotiabile), t pro c (acque, precium), m pro n (quenque, quanvis), itemque litteram s apposui in verbis exuperare, exilium, posquam etc.

---



# INDEX

---

Horatius Petro Lunensi salutem . . . . .	1
I. Divo Nicolao Quinto pont. max. . . . .	2
II. Porcariae liber primus . . . . .	4
Porcariae liber secundus . . . . .	20
III. Venus aurea . . . . .	35
IV. Ad Franciscum Sfortiam ducem Mediolani. . . . .	37
V. Iliadis libri primi specimen ab Horatio idemque a Carolo Marsuppino in latinum translatum . . . . .	39
VI. Oratii ad Pium II epigrammata . . . . .	42
VII. Oratius Romanus Pio II pont. max. . . . .	44
VIII. Oratius Romanus Pio II pont. max. . . . .	45
IX. Oracii Romani ad Pium II pont. max. de pietate unde dicatur et quod quina pietas sit in Pio quem- admodum quinque lunae in armis designantur . . .	50
X. In laudem ducis Mediolani . . . . .	53
<hr/>	
Petri de Godis de Vicentia de coniuratione Porcaria dialogus . . . . .	57

---





## HORATIVS PETRO LVNENSI SALVTEM.

Alexander ille Macedo summus imperator regni fines dicitur fatigasse, ne quis ipsum alius pingeret quam Apelles, Pyrgotiles sculperet, Lysippus duceret ex aere, qui ea tempestate clarissimi plurimis imaginibus extiterunt.  
5 Verebatur enim ille, ne vili quodam exemplo eius memoria aboleretur, cum satis sibi nunquam laudari posse videretur et maiorem quaereret gloriam splendore artificis. Vereor ne summi pontificis aures offenderim, qui fulgorem suae maiestatis attingere ausus sim, cum vix illa ingenia,  
10 quorum praestantia laudes maiores efficiuntur, digna satis esse iudicentur. Nihil enim tam altum, nihil tam spectatae virtutis, quod summi pontificis meritum possit aequare. Verum otiosus pudoris fines volui praeterire et ex arenti ingenio versiculos cudere, quos ad te destinare  
15 decrevi, ut illos tuo iudicio damnares, ex parte saltem vel honestiores redderes. Tantum etenim tibi lumen eloquentiae ac litterarum doctrina refulget, ut natus ille tuus ex tuo fonte liquores abunde potuerit haurire. Ego vero is sum, ut cum me mea minime delectent, alios  
20 fastidire non dubitem. Verum qui vetustis novitatem, novis auctoritatem, obsoletis nitorem, obscuris lucem, fastiditis gratiam dare consuevit, ignorationi quoque meae poterit indulgere. Si quis virtutem felicitatem ac sapientiam pontificis digna existimatione pensaverit, profecto  
25 nullius antiquitatis memoriam sibi fatebitur comparari. Quis enim non miretur sanctitatem clementiam iustitiam pietatem ac mentis magnitudinem, quae tanta sunt, ut quam multa fieri non posse priusquam sint facta credamus. Tu igitur meas ineptias legere non graveris atque  
30 ea mente, ut te plane legisse intelligam. Vale.

Cod. 826 (Ms. var. 411) bibliothecae universitatis Rheno-Traiectinae. Oratius. p. luñ. sal. || 11 iudicantur || 18 habunde

# I.

## Divo Nicolao Quinto pont. max.

Nulla tuis possunt praeferri tempora praesul,  
 Redditur humanis gloria si meritis.  
 Quando magis licuit fructus sperare laborum  
 Vel potuit virtus laudes habere magis?  
 5 Sorte tua infecte cesserunt saecula vitae  
 Ferrea, iam redeunt aurea sorte tua.  
 Instituit cum te patrem pia cura tonantis,  
 Consultum voluit temporis esse malis.  
 Reddita tunc Roma est aevo felicior illo,  
 10 Quo nimium superis visa superba fuit.  
 Exiit implicitae dudum vestigia fraudis  
 Et sumpsit mores praesulis illa novi.  
 Non cupis ut libeat, sed quod fecisse licebit,  
 Iudicium pateris omnibus esse tui.  
 15 Virtutem ante omnes posuit tua vita labores,  
 Qua nihil in terris sanctius esse potest.  
 Luxuriae morbo nullum violata per aevum  
 Casta iuventuti fortia frena dedit.  
 Virtuti indulges nec munere vinceris ullo,  
 20 Quod solet in rara praesulis esse domo.  
 Gratia cuique tua est, dignis tua munera tantum,  
 Supplicibus meritis nulla negare soles.  
 Ad votum quamvis totus tibi militet aether,  
 Laudibus in primis gloria pacis erit.  
 25 Pax et amor deus est, nec nominis immemor huius  
 Esse soles, pondus qui pater orbis habes.  
 Haec tantum humanos caelumque et sidera fulcit



Et facit in patria vivere quemque sua,  
 Haec tibi templa dabit cumulata vaporibus et quae  
 30 Otia mortales commemminisse iuvet.  
 Vive tibi miles, praestant haec tempora pacem,  
 Proelia ne timeas; vive colone tibi.  
 Civica belligeri mutantur in otia mores,  
 Perpetuam pacem plausus ubique sonet.  
 35 Haud sinis armorum census haurire furores,  
 Consulis humanis utiliore via  
 Et modo desertos ruituraque templa penates,  
 Res modo moliris moenia quanta novas.  
 Termarum tractus licet et radiata Colossi  
 40 Culmina conspicuum fama loquatur opus,  
 Pyramidum quamvis molem sua sustulit aetas  
 Et sua Mauseolum vel Babylona ferat,  
 Quanta tuis quae nunc surgunt ad sidera rebus,  
 Nulla vetustati gloria tanta fuit.  
 45 Cernimus ingenti molita palatia sumptu,  
 Hic ubi curarum pondere lapsus ades,  
 Atque ubi curvatae fulget testudinis orbis,  
 Sacra ferunt matri templa fuisse deum.  
 Candida marmoreae torquebant tecta columnae,  
 50 Imbribus et longo quae maduere situ,  
 Alta quati et ruere coepere cacumina, dextra  
 Ni tua lapsurum restituisset opus.  
 Plumbea surgebant, nunc paene argentea: saeclo  
 Sed mage conveniunt aurea tecta tuo.  
 55 Nunc spectare iuvat munitam turribus arcem,  
 Ipsa licet nostras fulminet usque domos,  
 Tibridis hinc ripa est, et circulus undique claudit,  
 Durum opus hoc urbis anxia frena tenet.  
 Intrepidus transi pontem fluctusque ruentes  
 60 Desuper et fractas cerne viator aquas.  
 Mollius huic dudum ponti, nunc Firmius extat

41 substulit || 45 margini adscriptum: *Marie maioris* ||  
 47 *Marie rotunde* || 55 *castrum stī angeli* || 59 *pons emilius*

Nomen: equo tutus seu pede carpe viam.  
 Ultima perpetuo domus est tua proxima templo,  
 Quo nullum Latio clarius extat opus.  
 65 Conspicuos ubi nunc postes et marmora cerno,  
 Sola erat in tanto paene ruina loco.  
 Sideream lustrasse suis fulgoribus aedem  
 Diceris, aeternum servet ut illa decus,  
 Vel quia divinum recipit domus ista parentem  
 70 Vel quia caelesti semper amata deo est.  
 Atria nunc auges et cingere turribus aucta  
 Niteris, ut fiat tutior illa domus.  
 Quae nunc Herculeis fulget virtutibus aula,  
 Maxima pars olim deficientis erat.  
 75 Tu pater in medio, tecum pia cura superni  
 Nexaque cum vera relligione fides.  
 Iura fovet pietas, et vertis in omnia mentem,  
 Iustitiae princeps et pietatis ades.  
 Nulla hic luxuries damnosa et stulta ministris  
 80 Otia, sed veri plena timore dei.  
 Deliciae studium sacrorum et cura pudoris;  
 Ante deum vitam ponere quemque doces.  
 Nunc pia libertas et erit te praesule nobis,  
 Cum verus patriae diceris esse pater.  
 Finit.

---

## II.

### Porcaria

#### Liber primus.

Insidias patriae qui struxit et arma parenti  
 Ipse parens refer et sceleri si Roma nefando  
 Annuerit: tenues nam si fragor impulit auras,



Romuleos iterum formidat curia raptus.

- 5 Tu potes obscuris fulgorem et lumina coecis  
Incertisque fidem, levibus dare pondera rebus,  
Tu mea Musa pater virtus mihi numen et aura  
Ingeniique calor, nostro qui tempore solus  
Vatibus extinctas refoves in carmina vires.
- 10 Haec mihi vix primum series pervenit ad aures.  
Vt laqueo affectos vitam finire maritum  
Germanum soror et natum mortemque nefandam  
Audiit atque omnis cecidit fiducia vitae,  
Inclusit lacrimas oculis et corpore toto
- 15 Sternitur; exangues vix spiritus errat in artus.  
Illa velut gelidum suprema in busta cadaver  
Membra tenet resupina solo pulvisque per ora  
Spargitur inque humeros fusi cecidere capilli.  
Quam simulac trepidae videre per atria natae,
- 20 Actutum accurrunt, alternae in brachia matrem  
Suscipiunt tenuemque animam per mutua quaerunt  
Oscula, ut extremae valeant succurrere luci.  
Ut gelidis vires membris et anhelitus ori  
Redditus atque oculis lux intercisa refulsit,
- 25 Aspexit coelum rupitque in verba dolorem:  
Heu nimium infelix genitrix et nupta sororque,  
Quam crudele tuens natum fratremque maritum  
Supplicio afflictos fati cecidisse sinistris!  
Quos ego nunc gemitus, quae iam lamenta dolendo
- 30 Ordiam? anne virum nato fratremne marito  
Anteferam lacrimis? Pietas simul aspicit omnes,  
Omnibus unus amor. Te te, qui causa malorum,  
Frater, et ingenti nos implicuisse ruinae!  
Heu nimium tibi fidus eras — quae dira libido
- 35 Quisve animum deus in facinus mentemque resolvit  
Militiamque trucem et vetitos sperare triumphos?  
Quod decus aut quantum sceleris tibi gloria laudis  
Haec potuit conferre, licet fortuna labori

- Faverit et diro spirarint numina voto?
- 40 Romanis decor unus eras, quibus obruta virtus  
Fulsit et externae per te fuit aemula laudi.  
Nonne satis fama celebris nullique secunda  
Laudibus aucta tuis domus illustrata triumphis  
Portia, divinos tulerit licet ipsa Catones?
- 45 Servitio qui te quamquam vetuere potiri,  
Non tamen humano scelerare in sanguine dextras  
Exemplo docuere suo nec mergere cives.  
Nunc inhonora domus patriae illatura perenne  
Dedecus et tristes aeterna in saecula luctus.
- 50 Non solis radios in te spectare cadentis  
Fas erit aut lunam tenuem nec sideris aethram . . . .  
Umbrarum sedes et nigrae mortis imago.  
Consilium insulsum, cum libertatis ad urbem  
Sic te traxit amor, lueres ut crimina tantum.
- 55 Ah quanto melius gelida tibi ferre sub arcto  
Exilium gravius vel honestae occumbere morti!  
Ad te nunc lacrimas coniunx miserande revolve,  
Cui requiem et somnos atque his in finibus aevi  
Otia defessae licuit sperare senectae.
- 60 Unde animi in facinus tantum furor impius hausit?  
Iam manus imbellis senioque refrixerat ardor,  
Te noctu amplectens potui sentire quid esses.  
An superum instinctu mundumque regentibus astris  
Credideras impune tibi tam saeva licere
- 65 In scelera et patres iam conspirare verendos?  
Quis te autem sinat imperio sceptrisque potiri?  
Te penes orbis eat, nutu tibi militet aether  
Mitior, aequatus iam iam prope sidera regnes:  
Quid poteras optasse magis? Tibi larga facultas,
- 70 Ampla domus meritis et nati et munera et aurum,  
Quanta valet cuiusque animus sperare modesti.  
Inno ego te, quando fratri malesana timebam,



100 Da mihi morte pater simul et requiescere in urna!  
Quin vive ut merita es tenebrosa in tempora luctu,  
Sit tibi vita super, qualis Penteya mater,  
Cum caput avulsum, cum brachia trunca videret  
Sanguineque aspersos nati crudeliter artus,  
105 Aut ubi cum pelagus volitare ad littora corpus  
Prospiceret Polidori animamque hauriret in undis

78 *amphiarum* vatem || 93 Nun || 102 *agaue* mater || 104 *pentei* nati

Orba parens flentem et lacrimantia solveret ora,  
 In rabiem longis feriens latratibus auras. —  
 Sic effata silet, vocem clausere dolores.

- 110 Tum meritis gravis et pietate insignis Aletes  
 Condolet afflictæ, quamquam domus omnis inundet  
 Luctibus, amissis tandem pia verba resolvit:  
 Aeternum primis etenim mortalibus ex quo  
 Fulsit humus, nulli est hominum fortuna secunda.
- 115 Divitias livor, virtutem offendit egestas,  
 Ardua successus raro complectitur ausa.  
 Nil solidum est orbi: bellis insignior ille,  
 Iustitiæ sed laude minor. Per singula quemque  
 Nobilitat virtus; felix qui protinus omnes
- 120 Composuit mores in religionis amore.  
 Tu tantum humanos casus et fata recense  
 Fortunæque vices fallacis: ad æthera dudum  
 Te tulit una dies et te simul una reduxit.  
 Desine germani lacrimis incendere manes,
- 125 Ille dedit mites poenas non aspera passus  
 Supplicia: at pondus tantum deforme pependit,  
 Cum licuit totum membris divellere corpus  
 Et raptare solo et canibus dare viscera saevis  
 Aeternumque viri nomen damnare per orbem.
- 130 Nonne satis totiens fuerat violasse quietem  
 Urbis et insano populum miscere tumultu?  
 Exulis hi mores, hæc est pia causa modesti  
 In patriam reditus, ut acerbo funere mergat  
 Pontificem et patres urbemque a stirpe revellat
- 135 Totque animas leto afficiat, dare cuncta ruinae  
 Incestare sacrum facibus pia templa laboret  
 In praedamque domos, conspergere caedibus aras  
 Et ferro et flammis coelum rescindere tandem?  
 Vos igitur monitus tenerum, quos nulla per ævum
- 140 Cura movet, misera confecti in sorte parentis



Discite, ut aeternum sint haec monimenta futuris:  
 Felices illi, quorum laudata per artes  
 Vita rudis: simul et fragiles contemnere fascēs  
 Imperium et pompam et sceptrā exitiālīa possunt. —  
 145 Dixerat, et dirī geminantur ad aethera planctus.

At manes illi pariter per inania tracti  
 Desiliunt — raptis quid enim velocius umbris? —  
 Per loca perque vias steterunt Acheruntis ad undas.

Verrebat tēues animas per flumina Charon,  
 150 Cum procul hos Stygia fatur speculatus ab unda:

Dic age, qui te agitent miles Romane furores,  
 Quae scelera et casus superique in luminis usu  
 Edideris delicta? Nitent tibi purpura et aurum  
 Militiaeque decus, sed livida colla rudenti

155 Nexus et elisum iugulum declinat in armos.  
 Indignatus eques: Quamvis haec littora serves,  
 Dire Charon, culpas hominum vel crimina certe  
 Non tibi nosse datur sontes nec volvere poenis.  
 Remigio tantum et velis impelle carinam,

160 Transvectare animas. Sursum cur tollere cessas  
 Romanos? Ille ad ripam convertere puppim  
 Nititur atque omnes secum tulit improbus umbras.

Ultimus extremae latitans post terga carinae  
 Stat gener affixus lateri per inania pendens,  
 165 Nunc pedibus luctans, manibus nunc transtra fatigat,  
 Nunc capit ore ratem, donec manus utraque laxa est.  
 Decidit infelix, sonitum dedit ictus in undis;  
 Stridenti virides vocem clausere liquores.

Ille diu quatiens per rupta fluenta lacertos  
 170 In caput inque humeros versim resupinus abundis  
 Praecipitatur aquis variosque rotatur in orbes.

Vorticibus raptus fluviique in tartara mersus  
 Nunc sursum, nunc infra agitur, nunc brachia versans  
 Volvitur illis scopulis nunc restat et undis.

175 Illum inter cumulos flammārum et sulphuris auras

- Caeruleis stringunt circum fera pectora nodis,  
Orbibus implicitis glomerantur in ora cerastae.  
Non sic ramiferae circum sua robora vites  
Aut hederæ inserpunt nodosae brachia quercus.
- 180 Sic iacet aeternum rapidis ludibria ventis.  
Natus ad haec trepidus convertit lumina solus,  
Pectora nunc quassans, nunc crudus in ora superbit  
Unguibus, in superos voces nunc asperat ira,  
Liventes oculos tandem manus impia vulsit.
- 185 Proiecit lucem in fluvium, mox dira profatur:  
Dii quibus iratis egi mala tempora vitae,  
Tartarei manes et tu Lucina parenti  
Quae miseros partus intempestiva dedisti,  
Eumenides omnisque chorus lataeque tenebrae
- 190 Infernorum operum, caeci miserescite nati!  
O furor, o rabies, rapti mala fata parentis!  
Vos saltem obtestor, simili me affligite casu,  
Crudeles divi! misero per singula letum  
Impendunt mihi fata malum: vel Cerberus ossa
- 195 Conterat et diri lanient mea membra colubri.  
Heu dolor, ante annos inhonesta morte peregi  
Lucis iter: iugulo patri comes ipse pependi.  
Cur vetor infelix nigras comes ire per umbras?  
Intercepit enim gressus per flumina casus.
- 200 Sic ferus obscuras diris ululatibus auras  
Perculit, invisa donec descendit ab unda.  
Illum flere vetat miles turbatus et ipse  
Ingerit in superos. Novit mala fata diuque  
Haeret et his gravius poenis meruisse fatetur.
- 205 Expositi ad ripam tendunt per opaca. Nepotem  
Fallit iter caecum: imprudens per devia callis  
Incidit, horrendum latrans ubi Cerberus umbras  
Devorat. Hic iuvenem quassis per colla colubris  
In nodo arreptum pedibus simul implicat uncis.
- 210 Stat superincumbens, laceros rimatur in artus  
Viscera et haerentes circum praecordia fibras,  
Luxurians nunc huc, nunc ora retorquet et illuc,

- Nunc capita attollit, terno nunc latrat hiatu,  
 Nunc furit, alternis laniat nunc morsibus artus.  
 215 Immixtus sanie fauces interfluit ater  
 Sanguis et argutis crepitant sub dentibus ossa.  
 Ille nefas sensit longeque remotior ipsum  
 Declinavit iter; solus per tartara praeceps  
 It lacrimans rapti repetens nunc fata parentis,  
 220 Nunc generi: cursu tantum festinat anhelò,  
 Donec ad inferni pervenit iudicis urnam.  
 Obvius huic primo pallens in limine morbus  
 Et scelus et rabies facinus furor impetus amens  
 Seditio et raptus, lacrimans cum funere luctus  
 225 Iraeque insidiaeque et regni saeva libido,  
 Dira fames, curae insomnes atque aegra senectus,  
 Tempestas, metus et mortis truculenta voluntas.  
 Tum prior huic Mynos: Tibi cur violentus in ore  
 Stat furor et fractae rumpunt fera murmura voces?  
 230 Fare tuos casus scelerataque tempora vitae!  
 Nil furor hic umbris nec verba minantia prosunt.  
 Ille ad humum torvus deflectens lumina fatur:  
 Arbiter umbrarum Mynos, male cuncta ministrat  
 Impetus et finis tantum laudatur in actis.  
 235 Insidias totiens patriae patribusque parantem  
 Turbantemque animos populorum urbisque quietem  
 Me pater exilio sanctus proscripsit honesto;  
 Munus et aera dedit civem miseratus egenum.  
 Hac dignus pietate fui, dum pectus Erynis  
 240 Inflammavit atrox regnique cupidine tinxit.  
 Tunc ego mentis inops furiali concitus ira  
 Multa parans animo leges et foedera rupi  
 Exilii et furtim Latiam sum vectus ad urbem,  
 Infensus patriae dominoque parentibus et diis.  
 245 Delitui ad generum, traxi in mea vota nepotem,  
 Quos mea causa simul iugulis affecit utrosque.  
 Mox alios furto implicitos vel sanguine mecum



Ad mea tecta voco iuvenes, quibus omnis edendi  
 Gloria et aeterno vitam consumere ludo,  
 250 Pollicitis duxi variis, sermone furentes  
 Inflammavi animos, non dissociabile cuique  
 In facinus votum statui: Quonam usque feremus  
 Exitiale iugum? Clero servire coactis  
 Continuo vitam in tenebris et tempora luctu  
 255 Deplorare licet: postrema per omnia ducti  
 Vivimus imperio, quorum producere pompas  
 Est amor et spoliis culti ditantur et auro  
 Viribus obnixis et nostro sanguine partis.  
 En haec barbaries! quando haec mutabitur aetas?  
 260 Nonne viri sumus? O quondam Romana propago  
 Felix prole sua, quae libertatis amore  
 Insignes animas pulchrae per vulnera morti  
 Exposuit vitam statuens pro laude pacisci.  
 Quid totiens referam Brutos Deciosque, Catones  
 265 Et Furium et Drusus, insignes laude Metellos,  
 Vos Fabii, vos Coclites? Ego solus in urbe  
 Caesar et aspiciam dictator ab arce Quirites.  
 Ipse ego iam dudum auratis vincere catenis  
 Aut ante ora deum sacrum mactare parentem  
 270 Constitui atque omnes in praedam vertere cives,  
 Extirpare genus, totas rescindere gentes.  
 Tunc ego vos meminisse volo, victoria quando  
 Annuerit, quantis opibus cumulabimur omnes.  
 Non opus ardenti bello, depellitur aura  
 275 Gens ignava; manus durus quibus asperat ensis,  
 Hos pecudes nobis, ipsis nos esse leones  
 Credite: lanigeras tondebit quisque bidentes.  
 Pugnaces animae nobis et pectora molli  
 Non violanda manu; nihil hic mortalibus ausum  
 280 Consiliis, sperate, dabunt pia numina regnum.  
 Lectus ego augurio, tantis datus auctor ab astris.  
 Si iuvat interdum nostrum meminisse malorum,

- Cur dum fata parant felicia tempora nobis,  
 Non iuvet et libeat tanto nos munere fungi?  
 285 Fulsit amica dies, squalore et sanguine turpes  
 Iam satis externae luimus periuria gentis.  
 Magnanimos fortuna viros illustrat et auget.  
 Et nos fama canet populos vulgata per omnes  
 Esse viros, iterum nostris sub legibus orbem  
 290 Impelli et veteres iam reddere posse triumphos.  
 Hannibal hic fiet, hic Hector, hic inclitus armis  
 Martius, hic Pyrrus; largos habitare penates  
 Tu poteris, tibi longus honos, tibi finit egestas,  
 Divitiis polles, quantas tulit ante Lucullus.  
 295 Huic ego iam scio quid — qualis latura ministrat  
 Mater inornatis iam plurima dona puellis,  
 Pellexi iuvenes, quos in mea vota reduxi.  
 Nil valet heu virtus pugnantibus ardua fatis.  
 Sensit adesse dolos pater: omnis et ardor et ausus  
 300 Cessit enim, cinxere meos longa agmina ferro  
 Culta lares, postquam nostris cecidere furores.  
 Delitui — mallet mediis rupisse per hostes  
 Cominus et pulchram properasse in vulnera mortem.  
 Speravi latebris; sceleri conferta virorum  
 305 Robora dissiliunt, agitat spes ultima vitae  
 Praecipitatque viros. Clipeata per agmina quidam  
 Nunc dextra, nunc ille humero, nunc percutit hasta,  
 Nunc cubito ad terram multos prosternit et ensem  
 Sibilat atque aciem ferri venientibus offert  
 310 Hostibus: hic magni nomen meruisset Achilli.  
 Tutata est fortuna virum: fugitivus et haerens . . . .,  
 Quando ego nil fidum aspexi fractusque ruina  
 In latebris clausus iacui sub tecta sororis.  
 Tunc me confectum somno curisque satelles  
 315 Captivum oppressit; nigra sub nocte revinctum  
 Aeriam ad Tiberim miserum detrusit in arcem  
 Et iugulo pendens solvi pro crimine poenas.

- Nunc me sublimem volitant per inania venti  
Et soror ad superos lacrimans mihi funus acerbat.  
320 Occupat hunc etiam velox Cathilina loquentem,  
Qui procul astabat mediis annixus in hasta  
Coetibus; hunc laetus sese superare fatetur  
Cominus ora ferens equitique illudere gaudet:  
Qua dignum te laude feram? Da tangere dextram,  
325 Qui patriam et sanctos ausus violare penates.  
Tu quoque fortis adhuc sero licet ordine famam  
Illustrem meruisse potes: mihi denique quondam  
Effulsit dubio similis fortuna sub ictu.  
At Caesar totis fortuna est viribus usus  
330 Successuque meos ausus meliore sequutus.  
Magniloquax miles, merito genus omne furorum  
In te ferre licet, quando furiatus in orbe,  
Cum patriam offendis, medium te dissipet axis.  
Iam magis ausus eras — maior tibi gloria: maius  
335 Supplicium expectes: omnes cumulentur in unum  
Eumenides. Liceat nobis requiescere, quando  
Concomitata tibi scelerum tormenta fatiges.  
Interea Tytion laniare in viscera vultur  
Et raptare novem cesset per iugera corpus.  
340 Tantalus ad votum fugientes hauriat undas,  
Sysiphon atra silex, Ixiona nulla fatigent  
Supplicia et sontes Lapithas sua poena relaxet.  
Cum totiens superis et vana et ficta loquutus,  
Falsa minutatim saevis lanianda colubris  
345 Lingua dabit poenas, ausus violare parentem  
Diripiere solo lorisque trahentibus artus  
In diversa citae raptent tua membra quadrigae,  
Incestare sacrum longo execraberis aevo,  
Pulvereus rapidis iactaberis undique ventis.  
350 Tum Cato pectus adhuc perfusus sanguine fatur:  
Iure verende Mynos, si qua est tibi cura Catonum,  
Hoc intende: virum quo non iactantior alter



Ad superos vixit voveo, qui Portia finxit  
 Nomina de porcis titulique ascripsit honorem  
 355 Gentibus obscuris. Vnde hic sceleratior extat:  
 Num puduit claram prolem virtutibus olim,  
 Unde tot illustres fulsere ad sidera cives,  
 Offendisse hominem et rigidos luisse Catones?  
 Quid poteras vesane? Pium violare parentem  
 360 Ausus es atque ipsum mactare in limine templi,  
 Praesule quo nostrae libertas gratior urbi  
 Non fuit aut maior vixit pietatis imago.  
 Talia dum ferret, latum quo cinctus ad ensem  
 Imposuit dextram miseri iugulumque sinistra  
 365 Angit et infrendens: Minima ni plebe fuisses  
 Inferior, pudeat scelerare in sanguine ferrum  
 Et vili et tetro iam degenerare Catonem.  
 Tu tamen adde Mynos: ausus temeraria quando,  
 Irruat hic mersus tenebrosa in tartara praeceps!  
 370 Annuit his iudex, poenas mox fata sequuntur.  
 Interea vox est diversa per agmina sursum  
 Coniuratorum laqueo data corpora morti  
 In poenas scelerum simul et pendere sub auras.  
 Undique fervet iter, speculisque per avia longe  
 375 Intenti nequeunt oculos satiare tuendo  
 Attonitique monent patres attendere natos  
 Et conferre volunt casusque exposcere tantos.  
 Hic ait: „Audaces animos et pectus et iram  
 In patriam et sacrum miles tulit iste parentem:  
 380 Invidit fortuna ausis ingentibus.“ Alter:  
 „Nota mihi ante alios huius facundia linguae  
 Et vitia et virtus.“ Melior cui pectore mens est  
 Iudiciumque — equitis novit per singula mores:  
 „Nulli consilium minus aut prudentia fulsit.  
 385 Rara hominis virtus; tantum super ardua pendens  
 Ducebat nullo fluitantia pondere verba:  
 En patriae vindex nostroque in tempore rursus

- Brutus adest, alii caelo cecidere Catones!  
 Sed cum tela manus poscunt, dum vulnera tractant  
 390 In facinusque ardent animi, dum tempus agi rem,  
 Delituisse iuvat tenebris, ut nocte satelles  
 Captivum trahat et sceleris luat inde furorem.  
 Excitat interdum vires timor: omnia virtus  
 Audet et a nullo confunditur ardua casu.“  
 395 Felix Roma! novus Caesar delapsus ab astris,  
 Qui mare, qui terras populosque et regna sub uno  
 Conferat imperio et fama conterritet orbem,  
 Unde viros rerum dominos sua gloria coelo  
 Aequabit meritis et tollet ad aethera virtus.  
 400 Quam male sanus erat caecaque cupidine captus!  
 Quod non mille manus belli, tot fulmina et arma,  
 Tot populorum acies, tot longa in saecula reges  
 Totque duces clari bello nec terror ab oris  
 Hannibal Alpinis potuere in moenia Romae,  
 405 Hic sibi iam suasit. Quanto tulit omnia fastu!  
 Hunc auri scelerata sitis nimiusque rapinae  
 Incestabat amor. Statuit natura beatos  
 Esse viros, si qua contenti sorte manerent.  
 Sed vitio impliciti rabieque libidinis annos  
 410 Ante ipsos teneras foetus truncamus in herbas  
 Virtutum, ut flores nequeant producere fructus.  
 Si memorem annales primum ab origine Romam  
 Ordinar, hanc primum fraterno sanguine tinxit  
 Romulus et rapuit violato foedere nuptas.  
 415 Viximus ex rapto nec diis nec legibus ullis.  
 Quod libuit tantum fuerat Romana potestas  
 Regibus: hi solo ductabant singula voto.  
 Filia non miseri carpentum in corpore patris  
 Erubuit largoque rotas agitare cruore,  
 420 Deturpare lares, opibus regnoque potiri  
 Per scelus. Heu fatum pervenit adusque minores.

En tibi prisca fides! Tenuit mox Roma secundum  
 Consulis imperium, quod stupro et sanguine partum est.  
 Qui primum saevas pro libertate secures  
 425 Instituit, natum leto nova bella moventem  
 Implicuit Brutus. Patriae fuit una voluptas  
 Fortunam stabilire et debellare tyrannos.  
 Floruit illa tamen multis virtutibus aetas.  
 Nosse modum iuris libertatemque tueri  
 430 Bellorum studiis potuit tunc Martia Roma.  
 Digna fuit totum quae viribus occupet orbem.  
 Non cives auri rabies nec dira libido  
 Imperii traxit, sed famam extendere caelo  
 Laudibus ac meritis et duros ferre labores.  
 435 Tunc rudis imposito vivebat consul aratro;  
 Fabricius parvo contentus munera regum  
 Despexit, potius voluit dominantibus auro  
 Iussa dare et forti bellum decernere ferro.  
 Hinc Fabii ingentes Catulique et fulmina Martis  
 440 Scipiadae, quorum virtutibus Itala tellus  
 Claruit et rerum princeps Mavortia Roma  
 Orbe triumphato sacrum caput intulit astris.  
 Verum vana viris pietas cultusque deorum  
 Illusit, tulit externos ad sacra penates  
 445 Aut dedit ipsa deos; numen sibi quisque dicabat  
 Fingebatque Iovem Venerem Martemque Minervam.  
 Festivare dapes et odori pocula Bachi  
 Vertere, nocturnas tyrsis agitare choreas,  
 Debachari homines, sanctum violare pudorem  
 450 Relligionis erat, donec pia cura superni  
 Sanguine restituit deperdita saecula nati.  
 Consul exactae postquam cessere secures,  
 Publica res urbis mox est effecta sub uno  
 Imperio: hic omnes complectitur una potestas.  
 455 Quis referat, quantis Latium, quibus arserit armis

---

422 in marg.: *Secundus status urbis* || 453 in marg.: *Tertius urbis status*.



Ausonia, utque omnis bello flagraverit orbis,  
 Vulneraque et strages Romani sanguinis actas!  
 Exitium quod Roma tulit! Communia Caesar  
 Iura ferox in se leges et pacta resolvit,  
 460 Solus in arbitrium totum sibi contulit orbem.  
 Mox alii atque alii, donec volventibus annis  
 Res Romana ruit, maculas deduxit aniles  
 In senium vergens tristique ac curva senecta  
 Decidit et tenues paulatim effluxit in umbras.  
 465 Nil adeo insigne est, quod non exacta vetustas  
 Laeserit et longi labes madefecerit aevi.  
 Tum deserta pio tandem data Roma parenti;  
 Redditur imperium ecclesiae, quod praeda reliquit.  
 Hic pia libertas maculis servilibus aevum  
 470 Abluit, et caelo placuit Romana propago.  
 Inde fides et religio sanctumque piumque,  
 Incestare nefas ignique adolere penates  
 Et simulare deos et inania numina credi.  
 Roma diu postquam vario sub praesule vixit,  
 475 Diversis agitata fuit per saecula fatis.  
 Plurima nunc pollens, nunc sorte involvitur ima,  
 Nunc tremit et stabili pedibus nunc robore firma est,  
 Ut solet atra dies commota per aequora iactam  
 Disturbare ratem, ventis nunc obruta sursum  
 480 Nunc redit, interdum scopulis illiditur et nunc  
 Fluctibus aequatis stabilis persistit in undis.  
 Pontificum in terris quocunque in tempore fulsit  
 Legibus ante alios status et pietate per omnes  
 Iuris honor valuit, sed nos meliore parente  
 485 Pontifices inter fruimur, miseratus ab alto  
 Quem pater aethereus contraria fata rependens  
 Ductus amore dedit, legum quo principe virtus,  
 Quo tranquilla quies fulget, quo paxque piumque  
 Iustitiaeque decus, qualem non pertulit aetas  
 490 Nostra nec antiquis potuit conferre vetustas.

Nunc pudor et pietas, fructus sperare laborum  
 Nunc licet, et grati redeunt virtutibus anni.  
 Nunc et relligio (ni nos malus inquinet error)  
 Ad superos ostendit iter per levias sursum.

495 Heu nimis immensum vitiis patefecimus aequor!  
 Quando magis viguit, nobis clementia maior.  
 Nuper enim indoluit cives damnare rebelles,  
 Non odium sed causa fuit: licuisset in omnem  
 Progeniem saevire, in pignora non tamen iram  
 500 Protulit. Enixus maculas abolere pudendas  
 Alloquio mitis genitor non plurima questus  
 Solatur populum. Solium ne hoc civibus, inquit,  
 Deficiet nec nostra suis clementia rebus.  
 Vidimus infractos cunctorum animumque fidemque  
 505 In nos, virtutem merito laudamus in omnes  
 Et patriae et gentis nunquam meminisse pigebit.  
 In vestris omnem gremiis audentius urbem  
 Vel bello vel pace damus. Simul oscula cuique  
 Delibat gaudens patulisque amplectitur ulnis.  
 510 Heu nos ingrati, felicia tempora quando  
 Pensabunt lacrimae: laeti reminiscimur aevi,  
 Cum redit infelix, fluctus contemnit et iras  
 Aequoris, optata potitur cum puppis harena.  
 Cernimus Italiam regisque ducisque sub arma  
 515 Implicitam furiis bellorum et sortis acerbae.  
 Nos vero immunes belli circumque ruinis  
 Inclusi nulla tamen obsidione tenemur.  
 Felicem tanto vitam sub principe tuti  
 Ducimus et nulli rerum violata facultas,  
 520 Finibus aut agris pellit vis nulla colonos,  
 Non laribus miles veteres detrudit avitis.  
 Quot pietate viros patria vel honore carentes  
 Sustinet, a propriis laribus quos depulit ira  
 Principis, exhaustos opibus miseratus egenos!  
 525 Praemiaque impendit meritis et praemia dignis,

- Quanta vel ingratus vel qui tacet invidus extat.  
 Hei nimium invisi superis: felicibus annis  
 Vivere nescimus miseros nec ferre superbi  
 Possumus humano necdum mansuescere cultu.
- 530 Quid totiens strepitus et inania nomina rerum  
 Fingimus elati? Facimus fundamine nullo  
 Culmina. Quid totiens totiens totiensque vocamus  
 Libertas? Quid concilium, quid publica res est?  
 Et quid Roma valet nobis ubi curia cessat?
- 535 Illa mihi visa est digno sub principe vera  
 Libertas. Felix nos cura tuebitur omnes,  
 Plebis in arbitrium dabitur cum summa potestas?  
 Fallitur heu nimium sancto sub praesule quisquis  
 Imperium et mores longe indignatus abhorret.
- 540 Ingrati quantos superis debemus honores,  
 Cum dederint nulli dominum pietate secundum,  
 Cui nec prisca parem meritis nec nostra tulerunt  
 Saecula nec similem poterunt praestare futura!  
 Hic hic rector adest, qui maiestate verendus
- 545 Sanctior insurgit tantoque in culmine rerum  
 Iustior et toto longe sublimior orbe  
 Mitior ex alta mortalia despicit aula.  
 Sic ego, plura loqui nox circumfusa vetat nos.

---

### Liber secundus

- Liquerat interea candens Aurora cubile  
 Coniugis et radiis orbem lustrarat Apollo;  
 Quisque suas artes variis operumque labores  
 Prosequitur studiis. Turbant nova funera mentes
- 5 Implicitum sceleri: secreta per avia furto  
 Tendere quisque fugam tremula nec tutus ab aura  
 Nititur atque equitem longe execratur et odit



Emissumque atra rursus tellure Tipheum,  
 Qui superos ruere et caelum rescindere certet,  
 10 Quisque refert. Gemit ille suos liquisse penates,  
 Hic patriam et longa confectum aetate parentem,  
 Plorantesque alius gremio consortis alumnos.  
 Illum vexat amor, facinus formidat et ardet  
 Coniugis amplexus: Quis te nova nupta fovebit,  
 15 Frigida cum lacrimis oculos tumefacta iacebis?  
 Quin etiam sceleris trepidant meminisse nefandi  
 Damnatique ausus miseri si posse liceret  
 Paenituisse volunt lacrimas vocesque profusi  
 Talibus errantes feriunt conquestibus auras:  
 20 Quis deus in fraudem, quae nos insania traxit  
 Attentare nefas? Sanctum lacerare parentem  
 Et violare sacrum populosque in pace repostos  
 Vertere in arma simul civesque agitare tumultu  
 Non puduit miseros. Quid enim crudelius usquam  
 25 Prospexit tellus monstrumque infame per orbem?  
 Ora virum vivos nos et post fata loquentur.  
 Nec minus attonita (quamquam timor absit) in urbe  
 Flebilis auditur questus: gemit illa maritum  
 Germanumque soror, profugum dolet altera natum,  
 30 Quisque suam maeret sortem, dolor undique laxat  
 Fletibus ora piis. Triplici tum funere maesta  
 Magna parens equitis (tantum dolor ultimus angit)  
 Canitiem evellens terraeque illisa furentis  
 More ruit laceroque super procumbit amictu,  
 35 Lumina nunc palmis, nunc unguibus ora lacessit,  
 Nunc resupina solo, nunc prona exasperat iras  
 Crudelis divos crudelia sidera clamans.  
 Dira manus ambas nudosque elisa lacertos  
 Concutit atque animam paulum miseranda resumens  
 40 Iam conata loqui. Miserae dolor anxius ora  
 Occupat, exangues arescunt luctibus artus.  
 Quis poterat lacrimis non indulgere, cadentem  
 Exanimem quando convexo in limine matrem  
 Singultu medias intercidente querelas

- 45 Viderat, ut nati fleret scelus orba senectus  
 Funeraque et tales absolveret ore dolores:  
 Obvius hosne mihi lusus, haec gaudia matri  
 Nate refers tandem? Fessae post longa senectae  
 Exilia haecne quies? Quotiens noctesque diesque  
 50 Errores deflens, ne quis tibi casus obsesset,  
 Vota dedi superis, cumulos thuris odores  
 Saepe tuli ante aras exoratura tonantem.  
 En caeli pietas! Sic te videt anxia mater!  
 Qui nunc fulgor eras populis, spectacula pendes.  
 . 55 Heu quotiens patriae luctus et bella parenti  
 Nate minabaris populumque involvere praeda!  
 Nunc ego praeda feror! Miseraene haec munera matri  
 Haec mihi dona refers, et regna et praemia sunt haec,  
 Quae mihi pollicitus, cum blandus ad oscula dudum  
 60 Fovisti argentes lacrimis gaudentibus artus?  
 Speravi requiem, veterisque iniuria facti  
 Iam poterat desisse: dedit nova causa malorum  
 Supplicia afflictae longe graviora senectae.  
 Heu dolor, heu lacrimas — extremo in funere nullus  
 65 Inferiasne ausit tenui producere pompa?  
 Sicne ille exilio quondam miserabilis ad me  
 Expectatus ades? sic me complexibus ambis  
 Languentemque tenes? quor fata infausta sequuntur  
 Exortem culpa et tristem sine crimine vitam?  
 70 Hei mihi secretis scelus oculuisse latebris  
 Cura fuit miserae: sic ire ad sidera rebar  
 Sorte tua partis olim decoranda triumphis.  
 Heu heu nate decus dudum et nova gloria matri,  
 Nunc dolor et lacrimae populoque urbiue tuisque  
 75 Dedecus aeternum! Quae non memoraverit aetas  
 Tam crudele nefas, simul et damnaverit orbis!  
 Frondebit tellus, dum sidera fulciet Athlas;  
 Dumque auras ferient volucres et squamea pontum,  
 Tantorum scelerum Romam meminisse pudebit.

- 80 Dicebam infelix: Per te mi nate meamque  
 Canitiem obtestor, nostros orbare penates  
 Ne properes, animis iam frena calentibus adde.  
 Si te verus amor, pietas si vera teneret,  
 Non patriam insidiis divum nec fraude parentem  
 85 Captares. Patres abolere in pace repostos  
 Quid nisi triste malum? Nimis o fera gloria regno  
 Ventosumque decus tumidum te insistere suasit.  
 Quam melius teneris animam vagitibus olim  
 Inclusisse tibi, sceleris dum nescia tanti  
 90 Mens fuit atque aetas poterat minuisse dolores  
 Nondum luce graves et pubescentibus annis!  
 Iam iam parta quies populis et funere vera  
 Libertas sancita tuo est; scelus omne recessit  
 Et furor. Huic tantum miserae fortuna superbit.  
 95 Quid moror? amisi natum! Num tempus acerbis  
 Iam poterit tantos lacrimis lenire dolores  
 Plus mihi morte graves? Totosque in luctibus annos  
 Exiget infelix annis glomerata senectus.  
 O dii si vestrum est misereri et parcere victis  
 100 Aut si qua est pietas usquam mortalibus, auras  
 Aetheris invisas tenuemque includite lucem,  
 Figite qui valuit tantos peperisse furores  
 Infelicem uterum iustisque exurite flammis,  
 Dum dolor exuperat vires et lumina vitae  
 105 Obruere affectat nigrae spes anxia mortis. —  
 Desinit in lacrimas, iterum furiata seniles  
 Sanguine perfusos vultus laniabat acutis  
 Unguibus et terrae frontem concussa recumbit.  
 Nec minus horrendo diversa in parte tumultu  
 110 Miscentur manes; rapiunt genus [omne] furorum  
 Eumenides rapiuntque virum feriuntque ruuntque,  
 Viscera collacerant et aduncis unguibus acres  
 Vulnificos raptim exercent per membra labores.  
 Unde duces bello clari, qui proxima servant



- 115 Arva piis, dubio simul obstupuere tumultu.  
 Quisque ad tela ruens quae tum dabat impetus arma  
 Corripiunt, tamquam vivos fera bella fatigent,  
 Iamque acies strepitus incendia et arma ruinas  
 Ante oculos volitare putant. Stupet inscia rerum  
 120 Turba ducum, ante alios qui primus in agmine praestat  
 Scipio, cui tantos dedit Africa victa triumphos.  
 Assurgens cubito intrepidus circumtulit hastam,  
 Cui tum nixus erat: Nondum vetus excidit ira  
 Atque iterum insultat nostrae ferus Hannibal urbi  
 125 Excidium referens populis Latioque ruinam  
 Aut Pauli ante acies insignem quaeritat umbram.  
 Ibo animis contra: nunquam mihi gloria maior,  
 Vincere quam Poenos urbem patriamque tueri.  
 Prosiliens raptim gressus per opaca nocentum  
 130 Tartara tendit iter, passim circumspicit umbras  
 Pallentes Erebi Stygiae noctisque tenebras.  
 Dirarum furias tantum crudescere sentit  
 Unius in poenas stimulisque agitare colubras  
 Horrescitque tuens: „Patriaene hac sorte rebelles  
 135 Plectuntur miseri dominisve infanda parantes?  
 Heu tibi dire deis miles! me me indice saltem  
 Debueras superum et patriae non temnere curas.“  
 Tum magis insultant furiae, magis urget anhelas  
 Ira deas. Diro flectebat ab omine vultum  
 140 Scipio, nam patriae pietatis imagine raptus  
 Tot scelerum poenas longe indignatus abhorret.  
 Tartareis postquam sacrum caput extulit umbris,  
 Luminis et caeli fruitur melioribus auris;  
 Ad tumulum rursus mortales induit artus.  
 145 Hic simul ossa nova glomerari in carne videres,  
 Atque ipsum liquida spirare in voce cadaver  
 Pallentesque animam sensim vegetare per artus  
 Coeperat et prisca fieri gravitate verendus.  
 Ille sepulcrali respersus pulvere pectus

- 150 Discutit, inde humeros pallentiaque ora genasque  
 Detergit manibus, nigranti aspergine tinctos  
 Ventilât inde pedes, meliore afflatus in aura  
 Se videt agnoscitque homines Latiumque locosque  
 Tarpeiasque procul quondam Capitolia rupes,  
 155 Hinc Tuscum Tîbrim et Carmentis moenia vatis  
 Fatidicae, quae non cecinit nova casmata Romae.  
 Vix pedibus superinsistens pavidusque tremiscit  
 Virgulti in morem, donec vestigia pressit  
 Fortius et robur gracilis natura recepit.  
 160 Ocior igne Iovis rapidisque citatior austris  
 Emicuit macies pallorque recessit ab ore.  
 Carpit iter validus, tandem super astitit urbi.  
 Miratur campos raro sterilesce cultu,  
 Miratur niveas pecudes errare per agros  
 165 Porcorumque greges patulosque in cornua tauros  
 Et genus omne simul pecorum, genus omne ferarum.  
 Disiectas hinc inde domos veterumque labores  
 Undique collapsos, turrita palatia quondam,  
 Nunc aequata solo, celsi radiata Colossi  
 170 Culmina et ingentes quas ipse instruxerat aedis  
 Defecisse videt, simul et traxisse ruinas  
 Templâ deum, fractas hinc inde astare columnas.  
 Iam spirare animas, vivas iam reddere voces  
 Marmoris hinc formas, passim nisi fracta iacerent  
 175 Membra, videt veterumque animatas paene figuras,  
 Ante triumphales titulos virtutis honores,  
 Frustra minutatim torrenda in calce parata  
 Ingemit et longe vectos aliunde labores.  
 Progressus tandem media proficiscitur urbe  
 180 Collustrans hinc inde oculis; variare figuras  
 Atque habitus hominum cernit paulumque moratus  
 Haec secum: Quâenam gens haec tenus inguine vestes  
 Quae gerit et pedibus nimium gradiuntur acutis  
 Villosoque comas umbrantur et ora galero?

- 185 Horum ego iam memini quondam attrivisse furores,  
 Barbaricos quando domui. Num forte sinistra  
 Victores nostris opibus potiuntur et urbe?  
 Efferā gens nimium in luxum te Roma subegit,  
 Quam totiens tantis protexit ab hostibus ingens  
 190 Scipiadum virtus, acies ubi Martius ardor  
 Fulminis in morem totis exciverit oris.  
 En hinc quis strepitus? cursim adventare togatos  
 Prospicio verbisque loqui nutuque latinis.  
 Hi num Romulei proceres? haec Martia nostrae  
 195 Militia est urbis? sanctusne hic forte senatus?  
 Frondentes hederæ et postes ubi laurus obumbrat,  
 Hos video nimias agitare in iurgia vires.  
 Iam satis hoc: rediit virtus, nostræque peracta est  
 Spes longinqua viae. Poteram requiescere saltem  
 200 Tutus apud manes, animum quando irritus hausi  
 Exuperare Erebum rursusque ad fata reverti.  
 Indignatur adhuc externa a sede profectos  
 Aspexisse viros urbis connubia fungi,  
 Quæ totiens reges iam dedignata maritos.  
 205 Conscius hic solita veterum virtute minores  
 Degenerasse dolet viresque in sordibus omnes  
 Effluxas Latii et tantum superesse ruinas.  
 Laxus humi residens auras captabat aperto  
 Pectore et afflicto flabat suspiria corde,  
 210 Nec lacrimas tenuere oculi salsaque per artus  
 More nivis guttæ fluxere ardore liquatæ.  
 Tantus ubique dolor membrorum robora laxat,  
 Suspiransque graves erumpit ab ore querelas:  
 O patria, o tellus divum, domus alta Quirini  
 215 Imperiosa viris, mundi regina subacti  
 Terrarum genitrix omnis simul ætheris altrix,  
 Quæ genuisse deos potuisti et lumine caelum  
 Illustrare tuo superisque extendere laudes,  
 Iam deserta iaces: cecidit vigor ille Quiritum,



- 220 Virtutum princeps. Nil heu nisi nomen et umbra  
 Restat et antiquae tantum levis urbis imago.  
 Hei ubi siderei procures, en indita virtus  
 Illa virum! Cecidit divini seminis ardor,  
 Magnanimum heroum iam degeneravit origo,  
 225 Aetheris antiqui clementior aura recessit.  
 Haec urbis facies, qualis cum frigore primo  
 Arcadiae saltus, ubi Iupiter horret ab astris,  
 Laxat hiems frondes boreasque excerpit honorem  
 Arboribus, si quando gelu pulsantur et imbri.  
 230 Vastities horret, foliis nemora alta caducis  
 Strata iacent, feriunt ramorum excelsa procellae,  
 Undique procumbunt ruptis radicibus orni.  
 Si rapidus flammis volvat Vulcanus ad auras,  
 Tunc nemus omne flagrat, dilecta cubilia nimphae  
 235 Diffugiunt celeres nullaue in fronde virescit  
 Lucus, et exusti restant sine cortice trunci.  
 Heu nimium praeceps, nimium furiosa vetustas  
 Acceleras nimiumque ruis matura sub aevo,  
 Insignes rerum vires et singula vertis  
 240 Ardua paulatim mundumque exosa resolvit!  
 Iam iam carpit iter surgit qua parte superbum  
 Ilium et admirans pontem fluctusque ruentes  
 Turritamque arcem summumque ad sidera culmen:  
 Conspicuis, inquit, tantum haec aequanda vetustis  
 245 Moenia. Si Priamus tanto iam robore Troiam  
 Munisset, nullis violassent viribus olim  
 Vertissentque solo fumantia Pergama Grai.  
 Tum festinat iter: multos celerare gerones  
 Prospicit et manibus ingentia volvere saxa  
 250 Semiferis similes satiris; pars agminis illuc  
 Convectat silices alta de rupe recisas,  
 Pars terit advectas, operi pars miscet arenas;  
 Beltramum ante alios, qui calcibus ilia nudis  
 Tundit equi frustra, manibus quem nixus et armo  
 255 Vix tractim impellit, nutuque et voce lacessit  
 Saxiferum vulgus segnesque in calce clientes.

Ferte citi ferte! exclamat, properate labores  
 Turris et ambitus murorum, haec moenia quando  
 Cingere constituit summus pater omnia tractu  
 260 Urbis opus longo! Tantos Beltrame paratus  
 Aggredere intrepidus: durus labor ardua vincit,  
 Omne quidem facile est animis audentibus altum.  
 Tum mage fervet opus: totos cyclopas ab Ethna  
 Prospiceres ruere; magnum cum robore caelum  
 265 Debellare parant ac montibus insuper altis  
 Coniiciunt montes et in aethera surgit Olympus.  
 Ingressus templum teretes hinc inde columnas  
 Miratur tractusque loci et testudinis altae  
 Fundamenta iaci, paulatim assurgere muros  
 270 Gaudet et hanc longe molem superare vetustas.  
 Pyramidum sileat celebris fastigia Memphis  
 Mauseolique labor, cedat Babylonia moles  
 Et quae marmoreis late suffulta columnis  
 Tot simul ingentes Asiae struxere labores  
 275 Tempa solo Triviae penitus fundata palustri.  
 Dirigit inde pedes, ubi nunc domus alta monarcae  
 Tollitur antiquis non concessura triumphis.  
 In foribus timor in superos sanctumque pudorque  
 Iustitia et pietas, opere associata frequenti  
 280 Pone fides sequitur, nullo violabilis aere  
 Gratia stat simplex, quam raro in praesulis aedes  
 Isse reor: multos solet id iugulare potentes.  
 Felix qui nullo nimium speraverit auro!  
 Aulai in medio summoque in culmine regnat  
 285 Maiestas gravis imperio vultuque verendo  
 Iudicium sequitur fecundo in pectore verum  
 Consilium gestans viridique adoperta colore  
 Spes et amor, grati longe immortalibus ambo.  
 Haec propter totum virtus quae temperat orbem,  
 290 Candida religio sacrata in sede coruscans  
 Ad superos ostendit iter, monstratque colendo

Simplicitas hominum qua vi superevolet astris.  
 Gloria post longos et fama aeterna labores  
 Insequitur biugoque super concordia curru  
 295 Eminet et rerum seriem regit Athica Pallas.  
 Plurima per muros hinc inde effulget imago.  
 Haec post longa quies residens secura sub alta  
 Otia pace terit meritisque rependit honores.  
 Hinc studia ingenuis antiquae laudis et artes  
 300 Athica demonstrat quae sit natura quibusve  
 Cursibus errantes stellas represserit Athlas,  
 Qua trepidet tellus, qua vi maria alta tumescant,  
 Unde animae inspirent homines volucresque ferasque,  
 Quae regio in terris Cereri sit quaeque Lyaeo  
 305 Gratior aut saltus maiora armenta coronent.  
 Post aulas vergens penetrali in sede receptus  
 Lustrat Aretinum crocea sub veste Iohannem,  
 Qui tum forte legens leni sub voce labores  
 Scipiadum magnis animos pensabat ab actis  
 310 Romanosque duces meritis super aethera vectos.  
 Ille autem ad nomen tacitas erexerat aures  
 Scipiadum; dum se se armis confringere Poenos  
 Audit et hostiles iam debellare catervas,  
 In medium tales prorumpit ad aethera voces:  
 315 Ille ego qui totiens armis victricibus olim  
 Spem patriae ante annos mediis in caedibus ardens  
 Paene auxi extinctam, cum saevus inhorruit armis  
 Hannibal et nostris undarent stragibus amnes.  
 Inter tot furias bellorum primus ad oras  
 320 Produxi hostiles ausus contemnere vires  
 Fortunae. Fuit ingenti pro numine virtus  
 Et patrum studiis animus mihi maior et ensis.  
 Edomui Lybiae populos, tot regna tot urbes  
 Sub iuga Romanae posui dicionis et orbem  
 325 Occiduum statui. Cura est mihi credita fratris  
 Imperiumque urbis, strueret cum bella Philippus  
 Antiochique furor. Totiens domuisse rebelles



Glorior atque Asiae fratri peperisse triumphos.  
Unde tot invidiae: studium sine laude virorum est  
330 Polluere illustres et rerum carpere famam.  
Quin etiam cinerum ne quid sibi Roma meorum  
Iactaret manesque meos tenuisse sepultos,  
Sponte tuli exilium. Meritis haec gratia, postquam  
Restitui decus omne meis ac paene ruentem  
335 Italiam tantis tutatus ab hostibus armis.  
Laudibus his cesset quaecunque est gloria gentis  
Externae Graiumque simul, licet aemula virtus  
Herculis ingentes olim simulaverit actus.  
Mille licet dederit Iuno implacata labores  
340 Atque humeris caelum tulerit spoliūque leonis  
Lerneamque datis facibus tremefecerit idram  
Ileumque Pholumque Erimantiadumque furorem  
Stimphalidasque arcu, vel si cumulentur in unum  
Idra et Scilla et aper triplicis Gerionis et umbrae,  
345 Antheo vires tellus infundat et ater  
Cerberus horrendis feriat latratibus auras:  
Omnia vix nostros poterunt aequare labores.  
Haud dextrae colus apta meae nec Lidia coniunx  
Horrentes humeros molli derisit amictu,  
350 Non ego Amazonidum traxi ferus arma puellae.  
Vis mihi maior erat; nam me sublimis agebat  
Gloria, cum totiens Romanis arcibus hostes  
Averti atque omnis per me tulit orbis habenas.  
Nondum bellorum studiis, sed viribus impar  
355 Quisque fuit ductor. Vitiis a stirpe recisis  
Aetatis florem duro exposuisse labori  
Cura fuit. Nobis victa Cartagine virgo  
Illustris delata. Oculos licet illa nitentes  
Gesserit aut quales nimium laudata Pelasgis  
360 Tyndaris ardenti donis cumulata marito  
Iussa dari, belli quamquam mihi iure liceret,  
Non tamen usque meum tetigit captiva cubile.  
Exuperare animum flammasque libidinis acres  
Laudis erat. Divum cantet licet altus Achillem

365 Graiorum vates et felix Mantua Troem,  
 Hic nisi nemo fuit, nostras qui carmine laudes  
 Altius extulerit, patrem qui tollere sacrum  
 Nititur, in viles usus ni mergat egestas.

Talibus obstupuit dictis Aretinus et actis  
 370 Collustrans oculis, dubiusne illuserit arte  
 Aut ope Peonia fuerit revocatus ab orcho,  
 Quae fortuna virum circumferat inscius haeret.

Obtutu spectans humeris haerere lacertos,  
 Membra simul vivo penitus spirantia pulsu  
 375 Miratur: Quis te traxit casusne deusne  
 Sedibus a stigiis nigroque erumpere Averno  
 Ad superos, cum tot Furiae iuxta atria Ditis,  
 Gorgon et horrendi custos sit Cerberus antri?  
 An superum iussu venias, ut luseris arte

380 Mentibus humanis fictoque in corpore vultus  
 Ostentes, quales tenuit dum vixerit ille  
 Scipio, quem nuper vana mentiris in umbra?  
 Saga phynecea tumulo mala carmina fraude  
 Forte dedit; pelago ruis an telluris hiatu?  
 385 I procul ad manes stygios atque aethera lustra  
 Spirantesque viros, dum nos hic vita reservat.

Tum Romanus ad haec: Quamquam volitare figuras  
 Morte obita fama est umbrasque illudere vivis,  
 Ne turbare animo neve exhorresce precantem

390 Ad papam ingressus; neque enim te laedere manes  
 Velle putes nostros, suetus cum saepe labores  
 Scipiadum legere et memoranda rependere facta.

Imperio magni venio Iovis: ille tenebras  
 Rupit et e Stigiis supera ad convexa levavit  
 395 Meque iterum dedit humanis et luce potiri.

Quod te per lacrimas, dudum quibus ora caducis  
 Fluxa vides superasque poli quibus uteris auras  
 Fortunamque urbis, nostri quae sola reductus  
 Causa fuit tantosque ausim tolerare labores,

400 Ante pedes sacri quaeso genitoris et ora  
 Duc Aretine. Deos sic tu maioribus oro

Muneribus potiare patris, nam fata polique  
 Et tua te virtus merita ad maiora reservant.  
 Duc, iterum rogat, et sacrum me admitte parentem  
 405 Immeritumque licet. Patrios non ille refellet  
 Affatus, pia vota solet lacrimasque precantum  
 Mollius accipere et fessis succurrere rebus,  
 Cui caput ante alios ornet licet alta potestas.  
 Iam memini quondam imperio sublimis et armis  
 410 Supplicibus sua iura dedi facilisque rogatu  
 Ante acies quamquam victor. Fortuna modestos  
 Esse animos vires regni tumidosque ruinas  
 Edocuit summisque diu non fidere rebus.  
 Ille tamen victus precibus lacrimisque rogantem  
 415 Romanum implicuit dextra monuitque vereri  
 Pontificem. „Gratum est patriae spectare parentem,  
 Cui meriti virtus ausa est includere tantum.“  
 Ergo ut erat gemitu laceroque inhonoris amictu,  
 Mente gerens casus tristisque exordia facti  
 420 Militis, illacrimans urbis miserabile fato  
 Ante patrem manibus supplex et poplite flexo  
 Haud rudis eloquii sic ora trementia solvit,  
 Quae magis indigni commendat gratia luctus:  
 Dive virum Nicolae, inopem qui numine Romam  
 425 Quinte tuo extollis, tantos miserate labores  
 Solus et antiquas qui nondum despicias artes  
 Romanumque decus, Stigiis de sedibus unus  
 Ausus ego ad superos vastae telluris hiatu  
 Rumpere. Scipiades eadem nos cura repostos  
 430 Urbis habet, quondam tenuit quae in tempora vitae.  
 Iamdudum infremuit tumidos de plebe rebelles  
 Rumor apud manes patriae insaevisse parenti  
 Et violasse sacrum. Poenorum qualis ab armis  
 Tempestas mihi visa iterum. Sic infera pugnas  
 435 Extimuit Romana acies: nos bella gigantum  
 Credidimus trepidi vel hiulci fulminis iras  
 Ob scelerum poenas irataque numina genti.  
 Hei ubi prisca fides! tanto cur turbine miscent



Otia mortales finesque egressa modesti  
 440 Libertas nimium rerumque exaucta superbit?  
 Quid faciunt miseri, tibi cum caelestia parent  
 Infernique sinus? Ubi nunc vetus ille priorum  
 Virtutum fulgor? Vetus illic Roma quiescit,  
 Robur et arma virum: nequeunt mansuescere tantum  
 445 Reliquiae sordesque hominum, quos undique fluxum  
 Confecit populos extrema in tempora vulgus.  
 Hosne iuvat saevire, iterum quod moenia rursus  
 Extruis et Romam, si qua est, insignibus ornas  
 Extollisque opibus pacemque impendis et annum  
 450 Laetitiae exortem bellis, unde aurea fulget  
 Roma et congestis opibus cumulata triumphat,  
 Reddere praereptos iterum dignatus honores  
 Et civile decus, census augere paternos  
 Omnibus et maior rerum data copia templis?  
 455 His quamquam aspirent felicibus omnia fatis,  
 Tu tamen excelsa moderantius utere sorte  
 Imperiique manu. Meritis excellere malis  
 Et pietate alios, quae sola in principe virtus  
 Eminet, exemplum cum sis pietatis et auctor  
 460 Ante omnes decet esse pium monitusque supernos  
 Fortius accipere atque ipsi non parcere vitae,  
 Si iubeat pietas. Populorum vita salusque  
 In te omnis, cuiusque humeris incumberet orbis  
 Milibus e tantis cum factus ab aethere dignus.  
 465 Nec tibi, sed totis genitum pia cura superni  
 Instituit populis: ergo reminiscere, quando . . .  
 Gentibus esse caput mundoque impendere leges,  
 Siderei meritis recludere limina caeli,  
 Indignata viris exposcere numina pacem.  
 470 Tunc deus aspexit mundum, cum dulce ferenti  
 Pondus eras matri, tunc arrisere corusci  
 Numina cuncta poli et patriae spes aucta Latinae,  
 Cum tu maiores adolebas dignus in annos

---

post v. 466 nescio an exciderit aliquid

Atque ingens virtus meritos spectaret honores.  
 475 Surgere iam poterat neglecta et squalida Roma  
 Et veteres haurire animos maiorque videri,  
 Tum quoque communi felix adolescere sorte,  
 Cum melior per te longe sibi redditur orbis.  
 Ante tuos ortus miserandum et flebile numen  
 480 Roma fuit. Tandem triplices laetata per omnes  
 Te surgente gradus, tribuit quos ipsa, meretur  
 Ante alias veniam populos spectata per omnes  
 Sacra diu nomenque tuum templumque dicabit  
 Gentibus: hic totus Romae laetabitur orbis.  
 485 Sis pater ergo memor patriae telluris amatae  
 Numinibus, cineres ubi tot tumulantur et ossa  
 Pontificum sacroque hominum perfusa cruore  
 Undique terra rubet. Fidei manet alta supernae  
 Hic pia religio verum caput urbis et omne  
 490 Imperii decus et Petri, cui sanguine primus  
 Partus honos templi caeloque infusa potestas.  
 Ergo iterum altricem mundi pater aspice terram.  
 Imperat ille deis fortunae et rebus et astris,  
 Qui sibi nec patitur mentis sordescere lumen  
 495 Vimque animi, imponit qui frena libidini et irae.  
 Ille quidem felix princeps et celsior omni  
 Imperio et populis opibus quoque maior et armis.  
 Haec postquam effatus, subito velut umbra recessit  
 Spiritus ad manes corpusque reliquit in urna.  
 500 Ac veluti ignitas si quando per aethera sursum  
 Intenti aspicimus noctu volitare favillas,  
 Igne micant tenui, mox nulla in corpora lapsae  
 Deficiunt, subito aspectu solvuntur in auras,  
 Aut ubi quam sidus vulgus putat ignea currit  
 505 Rima polo, celeri raptu se condit in astris.

---

finit secundus.

---

## III.

Venus aurea natum aberrantem deplorat afflictum, quem terras ac caelum speculata nusquam comperit. Inquisitores omnes esse vult; his praemia satis digna pollicetur, monstranti basiolum spondet, reducenti natum se dat quolibet modo potiri. Elegiam hanc ab se editam iubet esse pro vadimonio. Tantis igitur praemiis cum adhortetur unumquemque, erit operae pretium inquirere ludibundus ille quo lateat. Tu, qui Veneris desiderio ac lacrimis indulges, diligenter si quaeritas, dignus eris tanto munere.

**Venus aurea.**

Flete meos (si qua est meriti mihi gratia) casus,  
 Quos Veneris tangunt cordolium et lacrimae!  
 Hei mihi, quando meum totum speculata per orbem  
 Perdiderim natum perdiderimque animam!  
 5 Quo calet igne Venus, cessit mea cura Cupido  
 Et secum vires deliciasque tulit.  
 Nate simul tecum totis resoluta medullis  
 Gaudia quanta dedi, gaudia quanta tuli!  
 Molliculis quotiens Venerem condire solebas  
 10 Saviolis, quando dulcia furta dabam!  
 Nate, meae vires et deliciosa voluptas,  
 Te sine deficior, te sine luce oculi.  
 Heu quam carus eras suetus colludere mammis  
 Et mihi lascivo lambere dente genas,  
 15 Quanta leves inter fletus et gaudia carpsi  
 Basia, cum gemitu murmura trita dabas!  
 Ipsa tuos tremulo solabar carmine luctus —  
 Heu Veneris nemo condolet ad lacrimas.  
 Quam facile irrepens cum posceret otia somnus,  
 20 Spargebam teneras ipsa per ora rosas!  
 Dulce meum solaciolum vitaeque voluptas,  
 Quo latitas animae longa alimenta meae?



- Indulget si quis miserae mihi reddat alumnum,  
Sive vir invidia sive sit ille deus.
- 25 Hunc quicumque mihi seu vir seu femina fiat  
Duxerit, in Venerem cuncta licere sinam;  
Qua lateat vel qui tantum patefecerit oram,  
Illi ego pro meritis spondeo basiolum.  
Prospice ne incassum statui tibi dona labores,
- 30 Quae poterunt ipsos sollicitare deos.  
Neve oculos fallat nati volitantis imago,  
Signa feram, quo sit notior ille tibi.  
Incedit nudus puer et sine lumine vultus,  
Purpureas tenuis ventilat aura comas.
- 35 Dependet pharetra ex humeris, quibus addidit alas  
Ipse pater, manibus ignea tela gerit.  
Ne prope sis rapto cum telum intorserit arcu,  
Nec spectes teneri quanta sit ira dei.  
Multi etiam fortes sensere Cupidinis ictus,
- 40 Saepe dedit Marti vulnera, saepe Iovi.  
Ah quotiens miseros vana spe lusit amantes  
Et desperatis vota secunda dedit!  
Blandiri assuetus, sed fellis amarior haustu  
Plena venenosae pectora fraudis habet.
- 45 Saepe iubet simulare et lascivire puellas  
Inter amatores officiumque negat.  
Saltem si qua mihi violentior aura fugacem  
Restituat, possum cetera damna pati.  
Ni reducem miserae dederint pia numina natum,
- 50 Spectabit paucos vix mea vita dies.  
Finit.
-

## IV.

Oratius Nichodemo felicitatem. Hic est qui abstrahere servitio provinciam et liberam nobis vivendi dulcedinem parere potest. Itaque resistere his furoribus etsi máxima laude dignum sit, eo magis excitari debet, quod si neglexerit, non modo reliqui temporis gloriam eripi, verum etiam sibi praeteritam evanescere sinet. Nihil enim per se altum atque magnificum, nisi quod omnium iudicio ratio fecerit excellens. Verum quia neminem decet magis Italicae libertatis defensorem esse vel gloria rerum gestarum vel felicitate, quam omnium mortalium primus in potestate habet, vel studio atque efflagitatione omnium, scripsi breviter carmina haec tanti principis magnitudinem excitatura. Quae si libera atque honesta iudicaveris, per humanitatem tuam et principis fortunam quaeso ad illum destinare non graveris; quod si secus tuum iudicium fuerit, vel ea combures. Vale.

## Ad Illu. principem d. Franciscum Sfort.

## Ducem Mediolani.

Dive virum lapsura Italis qui regna tueris,  
 Quo duce fulgorem Caesaris orbis habet,  
 Effluxas patriae res maiorumque triumphos  
 Aspice vel Lygurum gloria quanta iacet.  
 5 Rex ferus insultat Latio — quam credere durum —  
 Ascivit Venetos in sua vota pares.  
 O scelus indignum: tanto cum crimine foedus  
 In caput est ictum terra Latina tuum.  
 Alma viris felixque opibus, cui contigit orbis  
 10 Imperium, fieri barbara praeda queat?  
 Cui fortuna potest patriae miseranda videri,  
 Si te non pietas ad pia bella movet?  
 Causa tua est tantum, tu iustius induis arma;  
 Non erit hoc belli, sed pietatis opus.

- 15 Pro patria spondent pugnantibus aethera divi,  
Cetera sunt meritis inferiora suis.  
Quando laude magis dignos sperare triumphos  
Aut poterit virtus promeruisse magis?  
Anne alium pateris quam te dare iura Latinis,  
20 Alterius domito surgat ut orbe caput?  
Si te nulla movet tantorum fama laborum,  
At patriae pietas te meminisse iubet.  
Imperium tanto quaesitum sanguine et armis  
Fiet ab externis praeda ferenda lupis.  
25 Rex tonet ipse licet strepituque exterritet orbem,  
Diripiunt tantas ventus et aura minas.  
Aragonum quid scorta times Venetumque calones,  
In quibus aut nullus vel sine Marte calor?  
Te tantum, haud alios deposcunt sidera regem,  
30 Hoc Italiae gentes et pia cura deum,  
Roma etiam, quamvis maerens reminiscitur aevum,  
Quo nimium superis visa superba fuit.  
Tolle moras: ausis ingentibus ardua virtus  
Praestat opem, fortes sorsque deusque iuvat.  
35 Ante acies quis te tulerit, cum Martius ardor  
Ruperit ante tubas, cum fera bella dabis?  
Vosne hostes, belli fulgor, vos Martis alumnum  
Fulmineum trepidi stabitis ante virum?  
Dat vires dextrae Mavors, dum porrigit ictus,  
40 Dumque regit turmas, flava Minerva regit.  
Illa duces bello claros aciesque tuetur,  
Illa viros fortes anguigerumque genus.  
Italiae illustris cum te victoria regem  
Fecerit et tantis iura dabis populis,  
45 Ad sua restitues caelum quod temperat omne  
Undique quassatum pontificale decus.  
Tum tibi victrices ornabunt tempora frondes  
Et referent titulos ille vel ille tuos.  
Tunc ego et ingenium et quicquid mea carmina possunt,  
50 In laudes Italum Sfortigenumque dabo.

Finit.

---



## V.

## Iliadis liber primus.

Iram Diva refer nati Peleos Achilli  
 Pestiferam Danaïs, tantos quibus anxia luctus  
 Actulit heroumque animas tot miserit orcho  
 Ingentes, canibus lanianda cadavera passim  
 5 Alitibusque dedit. Statuit sic Iupiter, ex quo  
 Iam pridem Atrides magnorum ductor Achivum  
 Turbatis certare animis et divus Achilles.

Quis superum furias amborum mentibus auxit?  
 Latona infensus regi et Iove natus Apollo.

10 Hic ira incensus miserorum corpora tractu  
 Tabifico coeli morboque infecit Achivum.  
 Haud veritus nanque insignem contempnere Crisen  
 Atrides vatem, dudum qui ex arce profectus  
 Argivum ad classem fulgentis laurea Phebi  
 15 Serta gerens sceptrumque manu mirandaque regi  
 Munera prereptam reddi sibi poscit alumpnam.  
 Supplicibus lacrimis omnes ante ora precatur  
 Ductoresque ambos populi decora alta Pelasgum:

Atridae vosque o Danaï fulgentibus armis  
 20 Illustres, coeli vobis qui culmina servant  
 Si predae imperium Priami reditusque secundos  
 In patriam prestant, caram mihi reddite natam!  
 Accipite haec: meriti pretium sint munera tanti.  
 Fulgorem liceat Phoebi numenque vereri,  
 25 Quem Iovis ut gnatum cuncti coluere Pelasgi!

Assensere omnes votis et munera fungi  
 Auguris. Hic tumidus furiata mente ferebat  
 Consilium Atrides animique exaggerat iras,  
 Increpitans diris vati sermonibus inquit:  
 30 Si te his actigerit candens Aurora morantem

Pupibus aut iterum redeuntem offendet Atrides,  
 Non te sceptrā dei nec laurea texerit, augur!  
 Hanc procul in patriam statuam cum redditus Argo  
 Texentem toelas, nostrum captiva cubile  
 35 Cominus aspiciet, dum strenua fulserit aetas.  
 I procul actutum, ne me irritaris, ut inde  
 Illesus redeas! At illi territus augur  
 Paret et ad litus pelagi fluitantibus undis  
 Tendit iter propere aspectans; tum plurima questus  
 40 Latoydem supplex lacrimis affatur abortis:  
 Crinibus insignis Chrissam qui fortius audes  
 Archiger et Chillam illustrem Tenedumque nitentem  
 Eternis regere imperiis, si thuris acervos  
 Ad tua templa tuli, si pingua liba quot annis  
 45 Taurorum pecudumque dedi torrenda per aras,  
 Exaudi, nam digna precor, mea vota cadentes  
 Et lacrimas quasso Graii vereantur ab arcu!  
 Audiit architenens, celso turbatus Olimpo  
 Desiliit nocti similis classique Pelasgum  
 50 Quam procul aspexit furiis accensus et ira  
 Constitit ex humeris sonitumque dedere sagitte.  
 Tum graviter stridet argenteus arcus ab aura.  
 Inter equos interque canes iam tela vagantur  
 Litore in extremo Danaumque in corpora soevit.  
 55 Quotque emissa manu morbos tot spicula tendunt,  
 Precipitesque alta vitas in morte relinquunt.  
 Iamque catervatim defleta cadavera flammis  
 Subiciunt miseri turpi fluitantia tabo.  
 [Ante oculos struxere piras]

**Liber primus Homeri poetae divini per Carolum  
 Arretinum in latinum traductus.**

Nunc iram Aeacidae tristem miseramque futuram  
 Diva cane et quantos Graiis dedit ille dolores

---

40 abortis || v. 59 linea inducta deletus est.

Bibl. Leopoldinae Laurentianae Strozianae cod. 100.

Quotque animas fortes heroum miserit Orcho  
Quantaque tum canibus miserorum corpora passim  
5 Atque avibus lanianda tulit, quo tempore primum  
Atrides rector populorum et dius Achilles  
Inter se certant, sic Iupiter ipse volebat.  
Quis deus hic tantos irarum miscuit aestus?  
Latonae genitus, contempto numine saevo  
10 Infensus regi, pestem conciverat atram  
Castra per et populum procumbunt undique morbo.  
Namque sacerdotem Phebi contempserat ille  
Chrisem, qui ratibus solers advenerat Argis;  
Laureaserta dei manibus sceptrumque gerebat  
15 Et quae sint natae pretium ventura redemptae  
Fulgentes ocreis Danaos oravit et altos  
Praecipue Atridas, rerum quis summa potestas:  
Atridae atque alii tam splendida corpora Graii,  
Obtestor superos, caeli qui culmina servant,  
20 Dent manibus vestris ingentia moenia Troiae  
Vertere, tum laetos patrios accedere portus.  
Munera praetendens vobis, haec munera porto,  
Sumite, tam caram misero mihi credite natam  
Et magnum sperate deum, cui certa sagitta  
25 Est manibus prolesque Iovis carissima semper.  
Assensere alii tollendaque praemia censent  
Reddendamque patri natam vatemque vereri.  
Ac non Atridae placuit sententia, dictis  
Sed gravibus Chrisem ratibus discedere iussit  
30 Taliaque horribili vultu verbisque minatus:  
Hinc periturus abi! iam te nec numina Phebi  
Non lauri non sceptrategent, si navibus altis  
Seu nunc tardantem rursus seu castra petentem  
Attigero: nec enim ante putes tibi solvere natam  
35 Quam procul a patria canos ostenderit Argis!  
Hic texat telas, hic nostra cubilia curet.  
I tandem caveasque tuis me incendere verbis!



Sic fatus. Timuitque senex dictumque facessit,  
Undisoni tacitus petiit nam littora ponti.

- 40 Hinc abiit longe precibus Phebumque vocavit:  
Arcitenens magne, Chrisae qui moenia lustras  
Divinamque regis Cillam Tenedumque gubernas,  
Smintheu, si qua tibi posui pulcherrima templa  
Sique tuis aris taurorum pingua crura  
45 Caprarumque dedi, nostris precor annue votis:  
Dent Danaï poenas infestaque conice tela,  
Ut tandem lacrimas discant non temnere nostras!  
Audiit haec Phebus graviter commotus et imas  
Desilit in terras summo de vertice caeli  
50 Arcum humeris pharetramque gerens; tum turbidus ira  
Irruit et quassae sonitum fecere sagittae.  
Argivumque petit classem circumdatus umbra  
Conseditque procul subito nervumque tetendit  
Arcus et horrendo telum stridore remisit.  
55 Hoc mulos rapidosque canes hic corpora Graium  
Finxit inaudito tentavit et agmina morbo.  
Heu miserum postquam telum contorsit amarum,  
Muta virum crebris ardebant pectora flammis.

---

## VI.

Oratii Romani ad Pium II pont. max. epigrammata.

### 1.

Nos dignum meritis in te profitemur honorem  
Et decuisse Pium pontificale decus.  
Dardanicum Eneam pietas super aethera vexit  
Teque sui nomen sanguinis esse probat.

---

49 Desiliit || 51 sagipte || v. 58 in marg.

VI. Cod. X Rossetti bibliothecae municipalis Tergestinae (A)  
fol. 13<sup>v</sup>. Cod. J. VII, 260 bibliothecae Chigianae (B) fol. 13<sup>v</sup>.

5 Ille patrem rapuit medioque ex igne penates,  
     Tu patriam medio de Flegetonte rapis.  
 Ille suis raptam Troianis reddidit urbem,  
     Tu decus in patriam pontificale refers.  
 Nunc Pius: Eneas olim Iovis atria pandis  
 10 Et caelum votis creditur omne tuis.

## 2.

Sum Pius antistes nulli pietate secundus.  
 Non fortuna fuit, sed pietatis opus.

## 3.

Sis Pius et casus releves pater optime nostros,  
     Temporis angusti nam meminisse pium est.  
 Semper ad Eneadas placido sanctissime vultu  
     Respice Romanos et tueare tuos.  
 5 Succedat populis per te non irrita voti  
     Gratia nec pietas desinat esse piis.  
 Sis Pius in caelo cognataque sidera vincas,  
     Et finem pietas protegat usque tuum.

## 4.

Sum Pius antistes nulli pietate secundus:  
 Sic pietas finem protegat ipsa meum.

## 5.

Instituit cum te pietas divina parentem,  
     Consultum voluit temporis esse malis.  
 Officium pietatis opem mortalibus et spem  
     Exhibet et frustra non sinit esse preces.  
 5 Illa deum caelo miserandum duxit in orbem  
     Mortali passim condicione frui.  
 O decus, o pietas, o lux et gloria, fecit  
     Te pietas nasci, te voluisse mori.

## 6.

Sum Pius antistes nulli pietate secundus,  
Vera dei mea sit relligio et pietas.

## 7.

Imperium quodcunque est fortunae est viribus impar,  
Non stant perpetua tempora laeta fide.  
Mortales tantum pietas caelestibus aequat  
Et facit aeterna posteritate frui.  
5 Esse deo pietate parem tibi tradita virtus,  
Quod tibi commune est, utere more dei.

## 8.

Sum Pius antistes nulli pietate secundus:  
Pontificem populis iam decet esse pium.

## 9.

Pone metum: iam Roma novo sub principe gaude,  
Omnis odorato luceat igne domus.  
Dum Pius Eneas Capitolia celsa fovebit,  
Tunc eris imperio florida Roma tuo.  
5 Nunc caput orbis eris maioribus aucta triumphis,  
Sint modo pontifici tempora longa Pio.

## VII.

**Oratius Romanus Pio II pont. max.**

Caesaris Augustus superis sacravit honores,  
Postquam victrices conticuere tubae,  
Et cecinit dignas divino carmine laudes.  
Inter tot curas tu Pie carmen habes,

---

7, 1 versum leges metricas violantem corrigere non ausus  
sum || VII. A fol. 31<sup>v</sup>. B fol. 31<sup>v</sup>.



5 Quale nec Augustus nec qui te Auguste canendo  
 Reddidit aeternum Peleos aut genitum.  
 Non labor aut sumptus, dolor acer honorque recessus  
 Et rabies caeli continuere tuos.  
 Imperii sunt haec quae primum elementa parasti,  
 10 Ut cadat hostilis nostra sub arma furor.  
 Par operi tanto est animus, si viribus esses,  
 Spem fovet, ut vincas, relligionis amor.

---

## VIII.

## Oratius Romanus Pio II. pont. max.

Pi decus aeternum patriae, quo principe rursus  
 Orbe triumphato sacrum caput inseret astris  
 Italia atque Asiae solito ruet omine regnum,  
 Cernis ut insultet furiis agitatus Amyrras?  
 5 Successu rerum domita quam nobile quondam  
 Hospitium pelagi Pausania condidit urbe  
 Concipit Europen. Italos satis esse fatetur,  
 Conatus qui iam tantos et vota morentur.  
 Nec minus audaci populos premit undique bello  
 10 Finitimos in regna et agros urbesque ferocit  
 Pannoniae, ac ripas Histri circumsonat armis  
 Otumani genus; obscurum trans accola primum  
 Euxinum et Tanaim Mahomes erupit ab orcho,  
 Qui ferro et flammis caelum populetur et orbem.  
 15 Digna pater reputans animis sublimibus ista  
 Et maiora tuis, cum primum culmen adisti  
 Pontificale, caput pro relligione pacisci  
 Mens fuit et totis occurrere viribus hosti.  
 Invalidus quamquam pedibus nec fortior annis,  
 20 In lacrimis linquens urbem patriosque penates

---

Difficiles magnis superasti sumptibus Alpes  
 Utque bonis tantum comunibus aspera passus  
 Consuleres: haec una tibi via visa salutis.  
 Convenient ubi te recipit modo Mantua reges,  
 25 Mantua principibus tellus delecta vocatis  
 Hostis in excidium. Quod si metiris et aequas,  
 Non opus externis belli pro nomine: vires  
 Sufficiunt Italae, modo si cumulentur in unum,  
 Tutari Ausoniam et venientes pellere Turcos,  
 30 Quin Asiam atque oriens iterum sua sub iuga mittant.  
 Huc studium converte parens, huc dirige mentem,  
 Discordes populorum animos regumque ducumque  
 Redde in amicitiam. Coeant in foedera dextrae:  
 Omnibus una salus unum et comune periculum,  
 35 Sit labor unus et una indeficiensque voluntas.  
 Hesperia in Turcos totis vomat aedibus aurum.  
 Dives opum variarum armentosissima tellus  
 Auxilia arma et equos aurum frugesque virosque  
 Italia undanti fundet pulcherrima cornu.  
 40 Tu pater imprimis, cuius sub numine res est,  
 Delige praestantes virtute et viribus annos  
 Militiae vel quos decus et fortuna secundet.  
 Anguiger Insubrum, si non vigor ille refrixit  
 Martius ante dies, o quid teris otia frustra  
 45 Ductor et imbelles sinis ire inglorius annos?  
 Iam iam acies bello assuetae Boii Liguresque  
 Non armis, non Marte calent, operosa capillos  
 Non galea sed fronde premit decoratque iuventus.  
 Virtutem torpere sines: age protinus omnes  
 50 In Teucros arcesse acies, simul undique robur  
 Sforciadum anguigenumque et ventilet anguis in auras;  
 Eminus auratae radiant diademata frontis.  
 Non illi regnum Italiae veterumque labores,  
 Sed tibi fata parant. Nam rebus ad ultima lapsis

---

30 Qui *A*. || 36 Hesperie *codd.*; cf. X, 146. || 52 diade-  
 mate *A*

55 Dum spes nulla tibi, quotiens fortuna refulsit!  
 Imperium optasti Ligurum: non irrita voti  
 Sors fuit; hostiles collato Marte catervas  
 Fulminis in morem fudit tua vivida virtus.  
 In caput arma tuum moliti et foedus et iram  
 60 Regnator Siculum Venetique: in turbine rerum  
 Vis (inopem quamquam auxilii) non terruit ulla.  
 Quin auro atque opibus fidentes fortibus armis  
 Saepe renitentis Venetos ad foedera duxti.  
 Hannibalem totiens victum Picininiacque arma  
 65 Vidimus et mediis Veronae moenibus olim  
 Eiectum, cum tot galeas et scuta virosque  
 Fluctibus involvens Athesis mare decolor intras.  
 Quid super Ausonias acies aut oppida victor  
 Edideris memorent alii, quibus auxeris armis  
 70 Rem Venetum, populos quot sub dicione dedisti.  
 Sentiât ille acies et quae tibi fulmina Mavors  
 Suggestit, et quantus sis experiatur in armis.  
 Si decus id summi ducis officiumque fateris,  
 Aude animi fidens, quo te vocat ardua virtus!  
 75 Adriaci ad litus mediis super aequoris undis  
 Urbs Venetum florens opibus et classe parata  
 Incolitur; late populis dat iura senatus.  
 Hi quondam assiduo soliti contendere Marte  
 Infestasque rates toto detrudere ponto  
 80 Et mare inoffensum servare et littoris oras  
 Sceptraque vix pelagi Neptuno tuta relinquunt.  
 His si certa sedet belli sententia, quamquam  
 Sint in amicitia Turcorum et foedere vincti,  
 Armabunt classem, maculas abolere patentis  
 85 Criminis haud alias et dira piacula possunt.  
 His sine difficilis belli victoria nobis,  
 Haec vis una potest uni contendere Turco.  
 Mox Siculum poteris regnorum arcessere vires

58 Fluminis *AB*, fulminis *X*, 22. || 65 olim *AB* urbis *B*  
 in marg. || 67 intras *AB* ibas *B* in marg. || 80 in offensum *A*  
 in offensus *B*



- Hostis in excidium; ventorum laxet habenas  
 90 Eolus atque omnis furias erumpat ab antro,  
 Encheladus flammās, cyclopes fulmina et arma  
 Ethnea de rupe, parens Neptunus et omnis  
 Neptuni chorus ex imis super aestuus undis  
 Involvat rapido Turchorum turbine puppes.  
 95 Appulus et Calaber tellus insignis equorum  
 Quisque dabunt armenta, Agragas vel qualia quondam  
 Nutribat; Cumea deum responsa resolvent,  
 Hic ubi Dardanium Eneam sub rupe Sibylla  
 Ire ad conspectum docuit genitoris, ut omnis  
 100 Principe te Turcus diro sub Marte peribit.  
 Tot maria et portus non sunt sine classibus et quae  
 Proxima Caietae prospectat littora Circe,  
 Hic ubi diva viros saeva feritate luporum  
 Induit et tristes resonant ad sidera luctus.  
 105 Tot quondam rediens spoliis orientis onusta,  
 Tot victrix populorum, alio nunc debilis aeo  
 Quid das Roma Pio? Desunt tibi robur et arma  
 Et manus ob patriam pugnantum et sanguis avorum.  
 Non Remus et frater, quorum sub moenibus alter  
 110 Occidit, alter agit cum diis genitilibus aevum.  
 Fabricium quid Pyrrhe times Mummiumve Corinthe,  
 Emiliū Perseu? geminorum victa sub armis  
 Scipiadum Carthago? Premit tot fulmina tellus  
 Martis et attritus vix est sine nomine pulvis.  
 115 Non genus Alcylae, quorum periere trecenti,  
 Non Decii superant, patriae dare Regule vitam  
 Non iterum te fata sinunt nec pignora Brute.  
 Morte iaces, vivis fama, qui passus Orati  
 Hostis in occursum post terga avellere pontem.  
 120 Non Marcellus adest nec Scaeva aut Scaevola, regem  
 Qui petat arsura Tyrrenum occidere dextra.

---

93 extuus *codd.* || 97 cum ea *A* resolvet *X*, 97. || 98 sibylla *A* || 106 uictrices *A* || 117 ne pignora *A* || 119 pugnando *A*, ubi *post terga* in marg.

Victor ab exilio qui signa ex hoste recepta  
 Restituit patriae, tenui latet obrutus urna.  
 Pompei te Nilus habet nec Roma Catonem,  
 125 Qui docuit proprio scelerare in sanguine dextram.  
 Te dolor heu quantus feriet fortissime Cesar,  
 Si qua pios manes patriae modo gratia tangit  
 Seu magis astra colas, cum nemo obsistere Turco  
 Audeat et tanta trepident formidine gentes,  
 130 Cum genus acre virum et pubem Mavortis alumnam  
 Condit humus, tantum monstrent ruitura labores  
 Moenia nec quicquam restet nisi nomen et umbra.  
 Hei ubi pro patria tua Roma potentia nunc est!  
 Exoriare aliquis Iuli de sanguine vindex,  
 135 Qui fidei accinctus clipeo vocet agmina regum  
 Caesareosque duces terrisque exterminet hostes.  
 Te ciet illa parens, cuius sub numine rursus  
 Laeta triumphales Capitolia ad alta videbis  
 Ire ducum currus victasque ex ordine gentes.  
 140 Namque super Poenos Arabes Ethyopas et Indos  
 Oceanique manus austrum boreamque sonantem  
 Imperia extends nullis confinia terris.  
 Iunge acies tantum, Pandonides adde Latinis  
 Pannoniosque duces, Caesar, quos Marte lacessis.  
 145 Quam melius toto certasses corpore regni  
 In Turcos: haec ista decet non tempore tali  
 Militia et pulchri non sunt sine laude triumphi.  
 Imperium si quid solitae virtutis et altae  
 Maiestatis habet, fidei si vincula sentis,  
 150 Ante deum sancita (utinam non irrita) dextra  
 In Teucros diverte acies et desine coeptis.  
 Non audis gemitus et caesae funera gentis?  
 Ante aras sanguis clamat tibi fusus ad aures,  
 Ante oculos strages hominum miseranda iacet nunc.  
 155 Quid tandem expectas? Muros quatit impius hostis

129 reges *B* || 138 videbit *AB*. videbis *X*, 125. || 152 Nun  
*codd.*

Marte tuos propiusque malum fit deside cura.  
 Si te nulla movet pietas et gloria belli  
 Atque eadem mens est, qui nos urgere tuentur,  
 Servitio potius premat et dominetur Amyrras  
 160 Quam tua iura volent. Ego te sate sanguine Iuli  
 Per patriam et quicquid pro relligione decorum est  
 Obtestor, per signa crucis, quam demon in orcho  
 Horruit effractoque expavit Cerberus antro  
 Eumenis et diri siluere Exionis axes,  
 165 Haud operi desiste, ducem caput omnibus armis  
 Anguigerum et totis qui gentibus imperet unus  
 Instituas. Spes in te omnis, tu Romulus ille,  
 Tu Marcellus eris, Decius tu Caesar et ambo  
 Scipiadae et quicquid virtus Romana dedisset.  
 170 Tempus erit, quo (si dederint pia numina vitam)  
 Primus odorata redimitus tempora lauro,  
 Ni tua maiestas carmen mortale recuset,  
 Marte triumphatas accingar dicere gentes.

## IX.

Oracii Romani ad Pium II. Pont. Max. de pietate  
 unde dicatur et quod quina pietas sit in Pio quem-  
 admodum quinque lunae in armis designantur,  
 prima in deum, secunda etc. ut in proposito.

Ii Iovis ante thronum, quoniam non possumus ipsi,  
 Unde Pio nomen consule Caliope,  
 Unde genus, quibus eloquium de fontibus hausit,  
 Ingenii virtus unde sit illa sui.  
 5 Haec ego vix Pietas Iovis id sine numine possum  
 Dicere: fit nomen a pietate Pio.  
 Cetera quid referam caelesti digna coturno?  
 Non sunt mortali nobilitanda lyra.



Illa ego sum custos, dum sontibus ira tonantis  
 10 Fulminat humanis, ante deos Pietas.  
 Sum dea, sum superis comes una et fida satellites,  
 Cum precibus mecum iuncta soror Venia est.  
 Vis mea vis ingens, sed tunc mihi plurima, quando  
 Exhibui munus pontificale Pio.  
 15 Sic ego Roma tuis extrema in tempora rebus  
 Consului, cum spes nulla relictæ foret.  
 Officii memorem tanti quem publica rerum  
 Cura subit, qualem principis esse decet,  
 Consilio atque opibus Christi contendit in hostem,  
 20 Servet ut innocuas improbus ille manus.  
 Difficiles magnis superavit sumptibus Alpes,  
 Perfecit pietas, quod valetudo nequit.  
 Sub pedibus nostris atrox cecidisset Amyrras,  
 Esset principibus si pietatis idem.  
 25 Idem si reges populosque incenderet ardor,  
 Hostis ab Europa verteret ille manus.  
 Sed pietas fit quina Pii, velut ordine lunæ  
 Caerula designant quinque per arma crucem.  
 Eneas primam laudem pietatis adeptus,  
 30 Hostili quoniam traxit ab igne lares.  
 Sic ego prima Pio, cum religionis honorem  
 Et decus et laudes et sua facta putet.  
 Ille idem Eneas medioque ex hoste parentem  
 Abstulit: et pietas illa secunda fuit.  
 35 Illa secunda Pio est: iaceant ne inhonora parentum  
 Ossa, solo condi nobiliore iubet.  
 Non magis Ida Iovi nec Phebo Delia tellus  
 Grata fuit, tumulus quam fuit ille suis.  
 Illic angelici spirant in marmore vultus,  
 40 Pontificisque sonat carmen ab ore Pii:  
 Silvius hic iaceo, coniunx Victoria mecum est;  
 Filius hoc clausit marmore papa Pius.

- Quid poterat maius reddi viventibus, o Pi?  
 Carminis obsequio vivit uterque tuo.  
 45 Haec laus, haec pietas summumque in funere munus  
 Gloria perpetuae posteritatis erit.  
 Omnia cum raperet mors invidiosa per aevum,  
 Sola sepulchrali victa decore fuit.  
 Tertia si quid erit misereri et parcere victis,  
 50 Quos liquet excessus penituisse Pium.  
 Quanta sui in domitos pietas, domus una Sabellae  
 Pluribus exemplo scilicet esse potest.  
 Parcere subiectis quam debellare superbos  
 More dei visum lautius esse Pio.  
 55 Discite ab exemplo Pi quisque ignoscere victis,  
 Nil pietas aliud hoc sua maius habet.  
 Non aliter Caesar divum meruisset honores,  
 Unde Pio soboles Iulia fecit avos.  
 Nativae telluris amor fit in ordine quarta:  
 60 Quam satis est ultra diligit ille suos.  
 Omnia cum superet, solo superatur amore.  
 Principis o pietas officiosa nimis!  
 In medio laus est: superi moderata secundant,  
 Aucta ruunt nimium pondere pressa suo.  
 65 Artibus ingenuis et vatibus ultima restat,  
 His decus hoc illi pontificale fuit.  
 Si pius est, vates, quorum sibi gloria prima est,  
 Spectet, enim vates et coluisse pium est.  
 Ipsa licet per se radiet, sine carmine virtus  
 70 Deficit: ignorant carmina sola mori.  
 His illustrari tantum sua saecula possunt  
 Et genus et mores, cetera mortis erunt.  
 Et si Pyerides multorum pectora flamment,  
 In laudes feriat plurima dextra lyram.  
 75 Non illo gravius quisquam perstrinxerit, unde  
 Ediderit proles Piccolomina Pium.

Sic illi virtus divina et spiritus implet  
 Ingenium, candor tantus ab ore nitet.  
 Sed tua rauca sonant nec munere dignus Orati  
 80 Frondis honoratae: rauce poeta vale!

## X.

In laudem I. ducis Mediolani Oratius Ro. composuit.

Dux genus egregium bello quo sospite nunquam	
Res Italum reor externaе succumbere genti,	
Cernis ut insultet furiis agitatus Amyrras	1
Successu rerum domita quam nobile quondam	5
5 Hospitium pelagi Pausania condidit urbe	6
Concipit European. Italos satis esse fatetur,	7
Conatus qui iam tantos et vota morentur.	8
Nec minus audaci populos premit undique bello	9
Finitimos urbesque et agros et regna lacessit	10
10 Pandoniae, ac ripas Histri circumsonat armis	11
Otumani genus, obscurum trans accola pontum	12
Euxinum et Tanaim Mahomes erupit ab orcho,	13
Qui ferro et flammis caelum populetur et orbem.	14
Si non vis animi necdum vigor ille recessit	
15 Martius ante dies, o quid teris otia frustra	44
Ductor et imbelles sinis ire inglorius annos?	45
Non illi regnum Italiae veterumque labores,	53
Sed tibi fata parant. Nam rebus ad ultima lapsis	54
Dum spes nulla tibi, quotiens fortuna refulsit!	55
20 Imperium optasti Ligurum: non irrita voti	56
Sors fuit; hostiles collato Marte catervas	57
Fulminis in morem fudit tua vivida virtus.	58

X. Cod. 1437 Bibliothecae regiae Lucensis (Cod. Lucchesini Nr. 149) fol. 73<sup>r</sup>—75<sup>v</sup>. Titulus alia manu scriptus est; numeris dextro lateri versuum adscriptis significantur versus carminis VIII.



	In caput arma tuum moliti et foedus et iram	59
	Regnator Siculum Venetique: in turbine rerum	60
25	Vis (inopem quamquam auxilii) non terruit ulla.	61
	Quin auro atque opibus fidentes fortibus armis	62
	Saepe renitentis Venetos ad foedera duxti.	63
	Hanibalem totiens victum Picininiaque arma	64
	Vidimus et mediis Veronae moenibus olim	65
30	Eiectum, cum tot galeas et scuta virosque	66
	Fluctibus involvens Athesis mare decolor intras.	67
	Quid super Ausonias acies aut oppida victor	68
	Edideris memorent alii, quibus auxeris armis	69
	Rem Venetum, populos quot sub ditione dedisti.	70
35	Si decus Ausoniae vel relligionis honorem	
	Respicias, aeternum numen si virginis alvo	
	Includi reris voluisse et corpore fungi	
	Mortali, cum nil in se mortale fuisset,	
	Supplicium ob noxam primi subiisse parentis,	
40	Aude animi fidens quo te vocat ardua virtus!	71
	Sentiat ille acies et quae tibi fulmina Mavors	71
	Suggestit, et quantus sis experiatur in armis.	72
	Sit labor inprimis Italas adiungere vires;	
	Huc studium converte omnemque huc dirige mentem.	31
45	Dives opum variarum armentosissima tellus	37
	Auxilia arma et opes aurum frugesque virosque	38
	Italia undanti fundet pulcherrima cornu.	39
	Non opus externis belli pro nomine vires:	27
	Sufficiunt Italiae, modo si cumulentur in unum,	28
50	Tutari Ausoniam et venientes pellere Turchos,	29
	Quin Asiam atque oriens iterum sua sub iuga mittant.	30
	Delige praestantes virtute et viribus annos.	41
	Assueti bello Insubres Boii Lyguresque	
	Agmen agant equitum coeant simul undique gentes	
55	Sfortiadum anguigerumque et ventilet anguis in auras,	51
	Eminus auratae radient diademata frontis.	52
	Adriaci ad litus mediis super aequoris undis	75

	Urbs Venetum pollens opibus et classe parata	76
	Fundatur; late populis dat iura senatus.	77
60	Hi quondam assiduo soliti contendere Marte	78
	Infestumque genus toto detrudere ponto	79
	Et mare inoffensum servare ac litoris oras	80
	Sceptraque vix pelagi Neptuno tuta relinquunt.	81
	His si certa sedet belli sententia, quamquam	82
65	Sint in amicitia Turchorum et foedere vincti,	83
	Arma bunt classem: maculas abolere patentis	84
	Criminis haud alias et dira piacula possunt.	85
	Non deerit auxilio forti tutatus Etruscos	
	Marte Sigismundus, qui vertere terga coegit	
70	Alfonsum, cum te Populonia cingeret armis.	
	Quisne illum, quem non acies nec tela nec enses	
	Ferre valent, quem non medio in certamine quisquam	
	Audet adire, licet fortuna infensa repugnet . . . .	
	Non tamen indecorem te dux mea musa relinquet.	
75	Mox Siculum poteris regnorum arcessere vires	88

Sequuntur 35 carminis VIII versus 89—123, ubi variae  
lectiones annotandae sunt haec: 92 pater neptunus  
97 Cumea resolvit 100 Sub duce te turchus 102 Circes  
107 Quid mea Roma paras 121 arsura turchorum  
123 iacet obrutus

	Te dolor heu quantus feriet fortissime Cesar,	126
	Si qua pios manes patriae modo gratia tangit	127
	Seu magis astra colas, cum nemo obsistere Turco	128
	Audeat et tanta trepident formidine gentes!	129
115	Magnum Roma cie saltemve arcesce Catonem,	
	Qui proprio docuit scelerare in sanguine dextram,	125
	Si genus acre virum et pubem Mavortis alumnam	130
	Condit humus, tantum monstrent ruitura labores	131
	Moenia nec quicquam restet nisi nomen et umbra.	132
120	Hei ubi pro patria tua Roma potentia nunc est!	133

65 amicitiam || Post v. 73 aliquid videtur excidisse. || 119 ne-  
quicquam

	Exoriare aliquis Iuli de sanguine vindex,	134
	Qui fidei accinctus clipeo vocet agmina regum	135
	Caesareosque duces terrisque exterminet hostem.	136
	Antistes sit Roma Pius, quo principe rursus	
125	Laeta triumphales Capitolia ad alta videbis	138
	Ire ducum currus victasque ex ordine gentes.	139
	Ille super Poenos Arabes Ethiopes et Indos	140
	Oceanique manus austrum boreamque sonantem	141
	Imperia extendet nullis confinia terris.	142
130	At tu dive pater, coelum cui creditur et spe	
	Cuncta foves hominemque Iovi si penitet alto	
	Concilias, pedibus quamquam gravis et gravis aëvo,	
	Difficiles magnis superasti sumptibus Alpes	21
	Utque bonis tantum communibus aspera passus	22
135	Consuleres: haec una tibi via visa salutis,	23
	Scilicet ut Christi reges qui signa sequuntur	
	Convenient ubi te recepit modo Mantua primum,	24
	Mantua principibus tellus delecta vocatis	25
	Hostis in excidium. Quod si tibi longius aevum	26
140	Fata dabunt, Asiae solito ruet omine regnum.	
	Tu tamen ante Italum metire in proelia vires,	
	Discordes populorum animos regumque ducumque	32
	Redde in amicitiam. Coeant in foedera gentes,	33
	Omnibus una salus unum et commune periculum,	34
145	Sit labor unus et una indeficiensque voluntas.	35
	Hesperia in Turchos totis vomat aedibus aurum!	36
	Iunge acies tantum, Pandonides adde Latinis	143
	Pandoniosque duces, Caesar, quos Marte fatigas.	144
	Quam melius toto certasses corpore regni	145
150	In Turchos: haec ista decet non tempore tali	146
	Militia et pulchri non sunt sine laude labores.	147
	Imperium si quid solitae virtutis et altae	148
	Maiestatis habet, fidei si vincula sentis,	149
	Ante deum sancita (utinam non irrita) dextra,	150
155	Ne divina obitum pro religione recuses,	



In Teucros iam verte acies et desine coeptis.	151
Non audis gemitus et caesae funera gentis?	152
Ante aras sanguis clamat tibi fusus ad aures,	153
Ante oculos strages hominum miseranda iacet nunc.	154
160 Quid tandem expectas? Muros quatit impius hostis	155
Marte tuos propiusque malum fit deside cura.	156
Tuque tuos urges; nonne hi Pandones et Hystri?	
Si te nulla movet pietas nec gloria belli	

Sequuntur 16 ultimi carminis VIII versus 158—173, ubi varia lectio: 158 mens sit 164 exsionis angues  
Carmen nostrum constat versibus 179.

### Petri de Godis de Vicentia de coniuratione Porcaria dialogus.

Superbiam ambitionem et praesumptionem temerariam Stephani de Porcariis militis Romani demirans scribam eius factionem contra Nicolaum papam quintum et ecclesiam Romanam. Scribam quidem ut iudicium dei quod  
5 super ea re processit, velut existimo, nos legentes seu audientes iudicium dei miremur et timeamus. Et ut plenius et clarius loqui possim sub moralium stilo, brevissime exarare rem ipsam institui. Itaque Bernardinum doctorem Senensem ad curiam Romanam venientem a Fabio  
10 Romano scolare, qua de re Stephanus Porcarius furca suspensus fuerit, quaerere faciam et Fabium factionem narrare ac Bernardinum ipsum verbis Fabii auditis decla-

Cod. Vaticanus lat. 3619 (V). Cod. msc. 26. 4<sup>o</sup> bibliothecae Wallenrodtianae (K). — Titulus deest in codd. Ad laudem dei & Nicolai p̄pe Quinti V. In superbiam ambitionem et praesumptionem temerarias Stephani de Porcariis militis Romani commissam in summum pontificem Nicolaum quintum anno dominice incarnationis M<sup>o</sup>. CCC<sup>o</sup>. LIII<sup>o</sup> circa festum Epifanie domini. K. || 1 In superbiam K. temerarias K. || 2 demonstrans K. || 4 Romanam non propter ipsam rem sed propter iudicium dei K. || 5 ut nos legentes K. || 6 planius K. || 7 stillo V. || 9 Senensem doctorem K. || 10 de Porcariis K. || 11 et—narrare deest K. || 12 declarere K.

rare deum in hoc actu iudicium suum mirabiliter operatum fuisse et dicere alia incidentia oportuna.

Fabius. Bene adsis, doctor et pater mi!

Bernardinus. Fabi, salve! Quae turba est haec?  
5 quis est, qui pendet, et quare?

F. Stephanus Porcarius hic est, qui magnanimus non contentus civium condicione ad dominium Romae ambiebat.

B. Relegatus erat Bononiae; quando venit?

F. Is relegatione contempta in quatuor diebus de  
10 Bononia Romam venit. Tribus diebus stetit Romae occultus factionem exequi parans, qua summum pontificem et cardinales capere et occidere ac bona omnia eorum rapere ac etiam curiales omnes et mercatores forenses depredari et se tribunum plebis facere intendebat.

15 B. Quid audio! feritas grandis! procede! Quomodo factio ad lucem venit?

F. Aliqui ad factionem appellati revelarunt reverentissimis dominis Dominico de Crapanica tituli sanctae Crucis presbitero Cardinali, civi etiam Romano, et Nicolao  
20 de Amigdanis episcopo Placentino ac papae vicecamerario. Hi summo pontifici rem quam citius retulerunt. Vicecamerarius postea statim missis prius aliquibus peditibus circiter quinquaginta magnanime ac per eum vocati senator, conservatores, capita regionum urbis ac merreschalchi  
25 domum Stephani Porcarii, in qua Baptista Sarra civis Romanus armiger bannitus cum certis sociis pro factione stabat, accessere. Sed audiens haec Baptista exivit animose per portam ipsius domus et per pedites transiens cum quinque sociis vicecamerario seorsum et in platea  
30 Minervae tunc existente et non vidente liber evasit, ali-

---

2 fuisse et de bono regimine Nicolai pape quinti dicere ac in spiritualibus et temporalibus dominio pape K. || 6 *ad vocem magnanimus: Ber. arguit hoc verbum inferius V in marg.* || 7 condicione civium K. || 10 Rome stetit K. || 14 depredare K. || 17 revellarunt V. || 20 Placent. et K. || 24 inariscalli K. || 25 ad domum K. || 26 diffidatus seu bannitus K. || 29 tum seorsum K.

qui alii per alias portas domus et posticos etiam libere exivere. Redeunte vero ad portam ipsius domus vicecamerario capti sunt ibi quatuor forenses a Baptista conducti sed factionis ignari.

5 B. Audacia et praesumptio maxima! Quid facere potuissent tam pauci viri! Video leporem contra leonem bellare velle.

F. Sile, mi doctor, et alii favebant et inter hos Jacobus Lellicechi, Angelus de Maso, qui filius Martini  
10 papae V dicebatur, Stephani Porcarii sororii, Nicolaus Gallus canonicus basilicae sancti Petri, ipsius ex alia sorore nepos, in quorum domibus reperta sunt arma plura. Et Jacobus ille, ut haberet pecuniam pro armis et sociis, hiis diebus vendiderat pro mille ducatis domum unam  
15 Jacobo Calvo soldano papae.

B. Hui si vicissent, habuerat is pecunias et domum rehabuisset et plenam.

F. Et Angelus ipse cum Clemente eius filio (nunc etiam in furca Capitolii propter hoc suspensi pendent)  
20 hii plebem de facili sublevassent, tum cupiditate praedae, tum quia multi sunt banniti et condempnati acrius, quam se de iure mereri putent.

B. Quomodo Stephanus et Angelus cum filio capti sunt?

25 F. Clemens filius ipse sentiens factionem palam esse ivit domum patris et patiens seu fingens se pati febrem se posuit in lecto. De ipso dictum erat vicecamerario, sicque de mandato eius merreschalchi iverunt ad capiendum Clementem ipsum et invenientes in lecto ceperunt  
30 eum et in domo illa multa arma pro factione invenerunt. Interim emissum fuit bampnimentum, quod qui ceperit vivum Stephanum lucretur mille ducatos, qui vero occidit

---

1 seu postica K. || 8 Scile V. || 9 bellichechi K. || 16 Hii si fecissent K. || 19 propter hec K. || 21 banniti et diffidati et acrius K. || 22 mereri de iure K. || 26 ad domum K. || 28 marescalli K. || 31 bannimentum K. || 32 occiderit K.



eum, quingentos, qui recipit eum et non revelat, furca suspendatur. Deinde tum propter arma reperta habitus suspectus Angelus, eo quod arma illa inscio ipso et invito in domo sua locari non potuerant, tum per dictum  
 5 filii captus fuit eadem die, qui in domo amici sui latitabat. Vicecamerarius postea in Capitolio de malis moribus, seditione, factione et ingratitude Stephani sermonem fecit, Johannes Baroncellus civis Romanus advocatus consistorialis pro populo Romano responsum dedit et narrans  
 10 pacem continuam tempore Nicolai papae V et tot beneficia, quae urbi contulerat, iusticiam super factione faciendam fore conclusit. Franciscus Gabadeus Romanus pauper servitor nobilium et Stephani amicus hoc die obtulerat se, si quid posset, sorori Stephani uxori Jacobi Lelli-  
 15 cechi. Facta iam nocte cum in domum eius secrete se reduxisset Stephanus, soror ipsa ad se accersiri fecit Franciscum ipsum. Accessit ad eam, ibique Stephanus dixit: „amice, veni mecum; rogo, eamus domum domini Latini cardinalis Ursini; ibis ad eum primo, expectabo  
 20 inferius et exorabis eum, quod velit receptare me in domo sua.“ Sic pervenerunt domum cardinalis Ursini. Franciscus ascendit ad cardinalem, cardinalis audito eo detinuit eum, Stephanus audiens fugit et ivit domum alterius sororis suae in regione Arenulae. Cardinalis misit Fran-  
 25 ciscum ad vicecamerarium, vicecamerarius vero in turrem soldani papae. Is ibidem requisitus, ubi esse poterat Stephanus, dixit: debet esse in domo sororis suae in regione Arenulae. dixit enim mihi: et si cardinalis nollet

---

1 revellat V. || 2 *ad voc. reperta: ar. non in l. II ff. de furtis per Bar. V in marg.* — Deinde — latitabat ante priorem periodum *Interim* — suspendatur legitur in K. || 3 eo deest K. inscio illo K. || 4 propter dictum K. || 8 de Baroncellis K. || 10 tempore istius pontificis K. || 12 Sabadeus K. || 15 bellichechi K. || 16 reduxisset se K. || 17 istum K. sibi que K. || 20 me acceptare K. || 23 ad domum K. || 25 turrim K. || 26 poterat Steph. esse K. || 28—p. 61, 2 dixit — Arenule desunt in K.

receptare me, revertentes ibimus domum sororis meae in regione Arenulae. Ex mandato superiorum tres merreschalchi Romani, unus etiam senatoris iuvenis fortis cum sociis hora octava noctis iverunt domum dictae sororis  
 5 et circumdata domo a sociis merreschalchi cum aliquibus sociis domum intrarunt. Stephanus in lecto iacens, vestitus tamen, audiens istos se fecit includi in capsula una sororis et super capsula ipsa sedens se posuit soror cum altera muliere. Quaeritant omnes partes domus, coffinos  
 10 tandem et capsula illam et ita repertum ceperunt Stephanum et ad palacium papae apud sanctum Petrum vi conduxerunt. Ibidem examinatus confessus est, qualiter disposuerat quam plures, qui papam, qui descensurus erat in basilicam sancti Petri ad missam in die Epyfanie,  
 15 quae fuit dies secunda post revelationem factionis, capere praesumebant, ad capiendum eum et quam plures alios ad eadem hora Capitolium capiendum. Ac statuerat subsequenter occidere, rapere, ut supra dixi. Deinde circa auroram diei ductus fuit in castrum sancti Angeli, ubi  
 20 stetit per tres dies usque hodie, quo ibidem pendet, ut vides.

B. Audivi a te hanc rem seriose, ex qua deum mirabiliter operatum esse cognosco. Maxima caecitas Stephani: ire volebat in potestatem unius ex principalioribus mem-  
 25 bris sedis apostolicae, quam persequabatur. Quos deus odit, illis aufert intellectum. Odit autem impios peccatores. Quomodo autem homo magis peccare potest quam cum offenderet vicarium Christi, qui est papa? Dixisti: qui magnanimus non contentus civium condicione ad do-  
 30 minium Romae ambiebat. Vide, quomodo deus hanc magnanimitatem — quamvis Stephanus magnanimus nun-

---

2 Ex mand. itaque superioris *K.* marescalli *K.* ut semper. || 4 domum iverunt *K.* || 8 ipsa capsula *K.* || 9 coffinos *K.* || 10 Stephanum ceperunt *K.* || 11 pallacium *K.* || 12 confessus deest *K.* || 13 papam descensurum *K.* || 17 Et stat. *K.* || 18 Deinde Stephanus *K.* || 20 suspensus pendet *K.* || 23 Cecitas maxima *K.* || 27 quam offendere *K.* || 31 quam Steph. *K.*

quam fuerit, sed homo loquax, in quali raro magnanimitas cadit, nec haec magnanimitas dici debeat, ut ostendam — convertit in femineum timorem. Ad mulierculam enim Stephanus se reduxit. Vilitas grandis! Debebat  
 5 Stephanus, si magnanimus more tuo fuisset, per amicos currere et cum amicis circumiens regiones urbis clamando: vivat populus et libertas! et offerendo praedam omnium bonorum papae et cardinalium, curialium et mercatorum populum movere et levare, capere Capitolium, quod tunc  
 10 de facili per populum capi potuisset, quia parati tunc non erant in urbe pedites quinquaginta, deinde ad palatium papae currere et cum securibus portas eius frangere. Nox est longa, multa fieri poterant una nocte. Dicens haec tremesco, profecto credo plebem faciliter assensisse  
 15 cupiditate praedae, de nocte maxime, quae semper audaciam delinquentibus facit. In capsula se posuit — vilitas maior! Potuisset exire domum per tecta in tecta vicina. Nox erat et quaerentes ex vigilia iam lassi. Evasisset quippe liber, postea, in urbe sunt tot edificia diruta, tot vineae,  
 20 tot turres in muris, secure latitasset in urbe per dies plures. Sed confusus fuit iudicio dei. Crede, terribilis deus in consiliis super filios hominum. Et ille Clemens non cogitans quam grave sit crimen laesae maiestatis, etiam se perinde ac si ex aere alieno ad iudicium evo-  
 25 candus esset, credens se excusare per febrem posuit in lecto. Quis caecus non videt haec esse ex iudicio dei? Nunquam audiavi aliquem, qui molitus fuerit contra ecclesiam Romanam, bene finire, et deus mirabiliter semper punit ecclesiam persequentes. Praeterea haec non erat  
 30 magnanimitas. Magnanimus enim est, qui rationabiliter

1 nunquam magnan. *K* || 4 enim *deest K.* || 6 circuens *V.* || 8 pape cardinalium *K.* || 9 populum — levare *desunt K.* || 14 faciliter *deest K.* || 18 fassi *K.* || 19 diruta *V.* || 20 secure latitasset *K.* || 22 filiis *K.* cf. Psalm. 65, 5. || 23 lege *K* lese *V.* ubi in marg.: *quisquis c. ad l. iul. mai.* || 24 ore *K* ere *V.* || 25 posuit se *K.* ad vocem febrem: *l. II § siquis iudicio ff. siquis cautio V* in marg. || 29 prosequentes *K.* || 30 rationalia palam *K.*



et palam aggreditur et qui non gerit conflictum, nisi indixerit (nam fraudes et dolos imbecillem decet habere) et qui pericula non appetit ut temerarius. Sed praesumptio temeraria est ista. Namque etsi Stephanus populum  
 5 levasset et rapuisset, ut praefertur, tamen non cepisset summum pontificem, quia invisibiles non ivissent et rumor videntium processisset et aliquis etiam ex Romanis ipsis festinanter papae nuntiasset et papa fugere poterat in castrum, deinde ad terras ecclesiae vicinas se transferre,  
 10 postea parasset exercitum contra Stephanum. Quomodo Stephanus resistere poterat? Scimus urbem nullas opes habere nisi a curia Romana. Unde haberent Romani pecunias pro gentibus armorum? quos fructus colligere, quomodo armenta et greges suos tenere possent exercitu  
 15 ecclesiae Romanae comitatum urbis pessundante et depopulante? Etsi Nicolaus papa V captus fuisset et occisus, alius in papam assumptus similiter Stephano bellum parasset; si vero populus Stephanum offendere personam papae capti permisisset, veniebant super populum ipsum  
 20 maledictiones psalmi: laudem meam ne tacueris, quia offendere et occidere papam, qui representat Christum, esset iterum in persona papae offendere et occidere Christum. Credo tamen, quod maiores populi huic feritati non assensissent, quinimo quia dedignati essent subesse  
 25 Stephano, et propter damna, quae tunc passuros se viderent, ad ecclesiam Romanam confestim rediissent Stephanusque demum vel vi belli a papa moti vel rehabita a

---

2 dolos facere imbecillis est *K.* || 4 erat ista *K.* Nam *K.* || 6 ff. invisibiles — papa *desunt K.* *ubi legitur:* quia ipse audiens populi furorem fugere poterat in castrum vel per vineam suam et ad terras ecclesie se transferre || 10 deinde parasset *K.* || Qualiter *K.* || 13 quomodo fruct. *K.* || 14 exercitu *deest K.* || 16 Etsi papa captus *K.* || 19 capti *deest K.* || populum *deest K.* || 20 psal. V. deus laudem m. *K.* cf. Ps. 108, 1. || 21 occidere vel offendere *K.* || 22 esset occidere vel offendere in persona pape nuperrime Cristum *K.* || 24 quinimo quod dedignantes subesse *K.* || 25 tum etiam propter damna, que se tunc pass. vid. *K.* || 26 Stephanus *K.*

civibus urbe in laqueum incidisset, in quem incidit Pulcelletus, qui tempore Eugenii papae IIII rebellionis causa fuit. Ecclesia enim a civibus rehabuit urbem et Pulcelletus captus dimenbratus fuit. Praeterea si hii Stephanum  
 5 secuti fuissent, ho quam ingrati extitissent! Habuerunt enim et habent a Nicolao papa V quicquid petunt, officia, munera, honores Romanique omnes continuo pacem, libertatem, exemptionem a collectis, decimis et angariis. Cogitent Romani singulorum Italiae populorum status, et  
 10 omnes populos miseros, populum vero Romanum liberum felicem dicent. Quis meminit Romanos alio tempore fuisse in divitiis et pecuniis, in quibus nunc sunt? In quingentis annis praeteritis non fuerunt Romae tot vestes sericeae, iocalia, gemmae, quot tempore Nicolai papae V  
 15 fuere. Is summus pontifex urbem etiam edificiis magnificavit, palatium enim apud sanctam Mariam maiorem, aliud conservatorum a fundamentis construi, Capitolium, muros urbis undique reparari et fortificari ac [circa civitatem Leoninam] novos muros fieri, palatium apud basilicam  
 20 sancti Petri pro maiori parte in forma magnifica reedificari, turres illas ac muros claudentes palatium istud grossissimos et mirabiles ab ipsis etiam fundamentis construi, castrum sancti Angeli fortificari, super illud habitationes pulcherrimas fieri, ecclesias plurimas reparari,  
 25 ecclesiam sancti Stephani rotundi in Celio monte, quae

---

3 a maioribus *K*, ubi *rehabuit* excidit. || 4 si maiores hii *K*. || 5 o quam ingr. fuissent. Habent enim a presenti summo pontifice Nic. p. quinto *K*. || 7 Romani quoque omnes sub eo habuerant continuo et habent pacem *K*. || 9 populorum subditorum *K*. || 11 felicem et liberum *K*. || 15 fuere. Et curia Romana omni die mille ducatos expendit, quorum maior pars convertitur in Romanorum utilitatem. Nicolaus papa quintus eciam urbem *K*. || 16 enim *deest K*. maiorem, aliud apud basilicam Lateranensem, aliud conserv. *K*. || 18 et circa civ. Leon. *K*. circa civitatem *erasum*, Leoninam *margini adscriptum in V*. || 19 muros *deest K*. || apud sanctum Petrum *K*. || 21 turres illesas ac murum *K*. illud ad sanctum Petrum per gross. et mir. muros *K*. || 22 etiam *deest K*. || 24 plures *K*.

ad totalem ruinam devenerat, totam fieri ac ecclesiam  
 sancti Theodori super fundamentis antiquis primo etiam  
 de mandato suae sanctitatis constructam, deinde uno im-  
 petu defectu fundamentorum penitus dirrutam iterum  
 5 statim a fundamentis novis reedificari ac tribunal magni-  
 ficum et sumptuosum basilicae sancti Petri, cuius funda-  
 mentum usque ad centrum terrae profundum existit et  
 latitudinis cubitorum XXV, similiter construi ac ecclesiam  
 beatae Mariae rotundam de lamnis plumbeis totam coope-  
 10 riri facit.

F. Ita est, et credo, quae dicis, doctor, de iudicio  
 dei. Audivi enim etiam a patre meo, quod tempore  
 Eugenii papae IIII aliqui presbiteri avaritiae pravitate  
 caeci gemmas preciosiores, quae erant circa capita bea-  
 15 torum apostolorum Petri et Pauli, callide furati fuerunt  
 et divulgato furto fugerunt volentes ire Neapolim; itine-  
 rabant die noctuque; quando credebant esse apud Nea-  
 polim, reperiabant se iuxta Romam et hoc per plures  
 dies evenit eis et capti ita sunt confessi, postmodum  
 20 ultimo supplicio dati, ita quod mirabiliter iudicio dei  
 confundi credo quoscunque, qui sacram religionem seu in  
 rebus seu in personis religioni dedicatis contempnunt et  
 offendunt.

B. Gaudeo, quod gustes haec divina, fili mi.

25 F. Sed interim bonis pecuniis papae, cardinalium,  
 curialium, mercatorum, forensium raptis Stephanus se et  
 populum substentasset et papa sic urbe et bonis spolia-  
 tus pecuniam pro guerra non habuisset. Forsanque rex  
 Aragonum vel aliquis baro Romanus Stephano subsidium  
 30 porrexisset aut interim fortassis Nicolaus papa V decessisset  
 et alius forsitan ultramontanus assumptus ad papatum

---

6 ac sumptuos. *K.* cuius fund. est profundum usq. ad  
 centr. terre *K.* || 8 construi fecit *K.* || 9 rotundam totam de  
 laminis plumbeis cooperiri *K.* lamis *V.* || 11 Ita est credo  
 que *K.* || 12 etiam *deest K.* || 21 quoscunque *deest K.* || 25 et  
 pecuniis *K.* || 27 *B. arguit hec dicta inferius V* in marg. ||  
 29 auxilium porrexisset ac *K.* || 31 vel alius *K.*



foret, qui Italiam relinquens curiam ultra montes tenuisset, et sic Stephanus Romae securus remansisset.

B. Verba sunt haec. Pecunia non potest deficere papae, nam de hora in horam undique confluunt pecuniae  
 5 ad papam, ubicunque sit; Stephanus autem consumpto spolio unde pecuniam habuisset? Preterea rex Aragonum semper fuit ecclesiae Romanae protector, tempore Eugenii papae IIII gentes armorum suas et etiam personam suam  
 10 exposuit ad recuperandam Marchiam Anthonitanam de manibus comitis Francisci Sforzia nunc ducis Mediolani. Ha quomodo credere potes, quod rex prudentissimus Stephano civi Romano pauperrimo potius favisset quam summo pontifici? Similiter quis baro Romanus hoc fecisset, quia hoc non est rationabile nec credendum est. Ac etiam  
 15 credo, quod recuperata cito Roma foret, ut predixi, et sic rapta restituta fuissent: namque quando Eugenius papa IIII fugit ex urbe, tunc camerarius papae detentus fuit a Romanis, aliqui etiam curiales depredati, postea vero cito Roma ad ecclesiam reversa camerarius relaxatus fuit  
 20 et omnia bona dominis eorum restituta fuerunt, quamvis Philippi Mariae tunc ducis Mediolani gentes armorum et aliqui barones Romani ipsius ducis amici contra ecclesiam romanam forent. Quod papa extra Italiam curiam teneret, non credas. Scit enim omnis homo, quod sedis  
 25 apostolicae residentia propria in urbe est, hic enim sedit Petrus, hic est cathedra Petri et ecclesia semper ecclesia Romana appellatur nec apud populos alius verus papa tenetur quam ille, qui Romae residet. Unde si verus papa alibi resideret et alius per concilium vel alio colo-  
 30 rato modo eligeretur et assumeretur in papam et Romae resideret, is alius a populis verus papa crederetur. Preterea papae residenti in terra aliena imperatur a dominis

---

6 Rex preterea *K.* || 8 etiam *deest K.* || 9 recuperandum *K.* || 10 forcia *K.* || 11 Ha *deest K.* || 17 fuit *deest K.* || 18 vero *deest K.* || 19 *fuit* post *reversa* legitur in *K.* || 20 et dominis eorum omnia bona *K.* quamvis etiam *K.* || 23 romanam *deest K.* || 29 consilium *K.* color. titulo *K.*

illius terrae et subditus est, residens vero in terra sua suis et aliis inibi habitantibus imperat et dominus est. Et si papa Italiam relinquet, et ipse a terris suis relinquetur. Quis timeret et revereretur papam amissis terris  
 5 ecclesiae, si nunc contra ipsum terras habentem tam impie presumitur? Terris ecclesiae amissis oriretur contemptus clericorum, deinde heresis ydolatria persecutio christianorum martiria summorum pontificum, sicut antea in paupere ecclesia fieri solebat. Quamobrem papa et  
 10 Romae stare et terras ecclesiae tueri debet ac etiam suam dicionem augere. In hoc enim mundo sola potentia timetur et veneratur.

F. Multi tamen dicunt, quod papa in spiritualibus tantum dominus sit.

15 B. Ad hospitium ire volo, fessus sum; cum alio die convenerimus, tibi super hoc respondebo. Vale.

F. Ecce doctor meus!

B. Fabi, iam septem diebus non vidi te, quid agitur? Nunc transiens per Minervae partes vidi domum Stephani  
 20 Porcarii destrui.

F. Et etiam vicini mei Petri de Monte rotundo medici domus destruitur.

B. Et ipse estne de illis?

F. Est, et audio quod hiis proximis diebus ex inter-  
 25 cessione episcopi Portuensis vicecancellarii papa eum in suum medicum acceptaverat et ei centum aureos donaverat.

B. Ho, venenasset papam in medicinis! Ingrati viri!

1 terre illius *K.* || 3 relinquetur et ipse a terris suis, que cito dominos invenirent *K.* || 5 contra papam *K.* || 6 a cive presumitur *K.* || 7 heresis et *K.* || 9 Propterea papa non solum Rome *K.* || 10 sed suam dicionem *K.* dictionem *V.* || 12 *sequuntur in K:* Istec enim prudencia cuiuslibet pape considerans alibi quam in terris suis Italie, Rome enim precipue, minime resideret. || 14 dumtaxat dominus sit *K.* || 26 papa *deest K* tum *K.* || 27 centum ducatos *K.*

Audio etiam Stephanum Porcarium habuisse a camera apostolica in relegatione continuo singulis mensibus aureos XXV et ante relegationem officia honoranda et extra officia provisionem.

5 F. Verum dicis. Is pauper erat, cum istis provisionibus in precio fuit, alias ob paupertatem domum ex pudore non exisset. Profecto saepe extranea et exorbitantia sunt iudicia dominorum. Alius benefaciens, pacificus, dignus vix videtur ab eis, imo contempnitur, et malus,  
10 impius, seditiosus, indignus stipendio et honore sublimatur. Si vicisset Stephanus, vincebat cum reputatione, quam ei dederat hiis modis summus pontifex, quia alias ob eius paupertatem Stephano bubalarius non credidisset.

B. Sed estne in factione ista aliquis alius de Por-  
15 cariis?

F. Minime. Ecclesiastici enim sunt et cives optimi. Dicit etiam Centius Porcarius, quod Stephanus ex superbia se de Porciis cognominabat, de stirpe scilicet illa Catonum antiqua, et cognomen stirpis de Porcariis, de  
20 qua vere erat, abiiciebat.

B. Omittamus ista. Recordor promisisse pridie me responsurum tibi dicenti, quod papa in spiritualibus tantum dominus sit. Audi et quae dicam vera sunt. Imprimis quod dicunt leges videlicet, quod imperator fuerit  
25 et sit dominus mundi, nego esse verum, et legibus Romanis credendum non est in hac parte, quia in hoc imperator de se ipso testimonium perhibet, sed nullus idoneus testis in re sua esse intelligitur. Dico autem imperium Romanum fuisse violentum, quod successit populo

---

1 camera pape *K.* || 2 semper sing. mens. XXV ducatos *K.* || 4 pinguem prov. *K.* || 10 indignus stipendiatur honoratur et sublimatur *K.* || 13 bubularius *K.* || 14 in coniuratione ista *K.* || 16 Apostolice enim sedi fideles sunt et optimi viri *K.* || 17 Centius *K.* || 18 cognominatur *K.* || 19 Cathonum *K.* || 25 *l. deprecatio ff. ad l. rodiam de iactu V in marg.* || 26 quia in eis *K.* || 28 in se sua *K.* — *l. omnibus c. de teste V in marg.* || 29 *l. II. ff. de orgi. iuris V in marg.*, ubi praeterea: *Tarquinius.* — esse violentum *K.*



Romano, qui verum regem et dominum per violentiam regno spoliavit, cum auctoris vicium transeat ad successorem et noceat ei. Et etiam imperium Romanum universum mundum depredatum est. Sed regnum violentum  
 5 non est permissum et omnis violentia ac rapina prohibita est secundum scripturam: non concupisces rem proximi tui. Et sic imperatores fuerunt regnorum occupatores, non veri domini, ac agnomen tale, quod sint domini mundi, usurpavere. At veri reges fuerunt et sunt, qui  
 10 ob eorum virtutes a populis sponte et legitime reges eorum eligebantur et eliguntur, quique civitates, castra et loca nova sibi edificabant et edificant, per quorum bonum regimen et virtutes illa liberis hominibus undique confluentibus impleantur ac qui iusto bello regna et do-  
 15 minia sibi adepti sunt et adipiscuntur, eorumque legitimi successores. Bellum autem iustum est pro tuendis et recuperandis rebus suis aut quando fit ut sine iniuria in pace vivatur. Romani autem imperandi gloria ut plurimum nulla iusta causa subsistente bella moverunt. Rex  
 20 vero regum et dominus mundi verus est papa, quia a Christo deo et domino mundi institutus est. Et ut ista bene intelligas, audi attente. Deus in principio creavit celum et terram et omnia, quae in eis sunt, angelicam et humanam naturam, spiritualia et temporalia. Ipsaque  
 25 etiam temporalia per se ipsum rexit. Patet hoc videlicet, quod rexit ea, quia homini scilicet Adae, quem fecit, precepit dicens: ex omni ligno paradisi comede, de ligno autem scientiae boni et mali ne comedas, ac ipsi, si non obediret, penam imposuit dicens: in quacunque die comederis ex eo, morte morieris. Ac in Adam et Evam uxo-  
 30

---

1 veros reges et dominos *K.* || 2 regno et dominio eorum *K.* *ad vocem* vicium: *l. pomponius § 1 ff. de acq. pos. V* in marg. || 5 et rapina *K.* || 6 Exod. 20, 17. || 8 cognomen *K.* quod videlicet sint dom. *K.* || 14 at qui *K.* || 15 ac eorum *K.* || 16 *ad vocem* tuendis: *XXVIII q. i. Tullius in l<sup>o</sup> I officiorum V* in marg. || 17—18 aut — vivatur *deest K.* || 19 bella susceperunt *K.* || 27 Genes. 2, 16. 17.

rem eius inobedientes sententiam tulit dicens Adae: quia comedisti de ligno, ex quo preceperam tibi ne comederes, maledicta terra in opere tuo, in laboribus [comedes ex ea] cunctis diebus vitae tuae, in sudore vultus tui vesce-  
 5 ris pane tuo. Evae vero dicens: in dolore paries filios et sub viri potestate eris et ipse dominabitur tui. Praeterea deus condempnavit Chaim, qui Abel fratrem eius interfecit, dicens: maledictus eris super terram, quae suscepit sanguinem fratris tui de manu tua; cum opera-  
 10 tus fueris eam, non dabit tibi fructus suos, vagus et profugus eris super terram; egressusque Chaim habitavit in terra profugus ad orientalem plagam Edon. Multa quoque alia signa regiminis fecit deus usque ad Noe. Ex tempore vero Noe cepit deus creaturas suas regere  
 15 per ministros, quorum primus fuit Noe, de quo quod exercuerit officium sacerdotis ac fuerit rector populi ex eo apparet, quod sibi dominus gubernationem archae, per quam ecclesia significatur, commisit. Ac Noe post egressum archae edificavit altare domino et tollens de cunctis  
 20 pecoribus et volucris mundi obtulit olocausta super altare. Et dominus dixit ei et filiis suis: terror ac tremor vester sit super cuncta animalia terrae. Et Noe populum suum rexit ac a filiis eius post obitum patris divisae sunt insulae gentium in regionibus suis, unusquis-  
 25 que secundum linguam suam rexit familias in nationibus suis. In hac postmodum rectoria successerunt patriarchae, iudices, reges, sacerdotes et alii, qui pro tempore fuerunt in regimine populi Iudeorum.

Postmodum vero, cum sub imperio Romano ydolatria  
 30 regnaret nec deus verus coleretur ac Romanorum scelera

---

1 Genes. 3, 17. 19. || 2 de quo *K.* || 3 *verba uncis inclusa om. codd.* || 5 tuo deest *K.* — Genes. 3, 16. || 6 Propterea *K.* || 7 Caim *K.* || 8 Genes. 4, 11. 12. 16. || 12 Eden *K.* || 13 regiminis temporalium *K.* || 17 arce *K.*, *ubi verba per* — significatur *desunt.* || 18 Et ille *K.* Genes. 8, 20. || 20 holocausta *K.* || Genes. 9, 2. || 24 unusquisque scilicet linguam *K.* || 25 familias suas *K.* || 30 Roman. tunc tyrannice dominancium *K.*

et peccata usque ad celum olerent, deus omnipotens Christum filium suum misit in terram regem regum et dominum mundi, ut illuminaret gentes in via veritatis, ac successive cessare fecit Romanam potestatem et destruxit illud imperium eius, ut in Daniele super sompno Nabughdenasor. Et ut melius intelligas, audiens verba ipsius Danielis, advertas, haec sunt. Tu rex videbas, et ecce statua una grandis; statua illa magna et statua sublimis stabat contra te et intuitus eius erat terribilis. Huius statuæ caput ex auro optimo erat, pectus autem et brachia de argento, porro venter et femora ex ere, tibiae autem ferreae, pedum quaedam pars erat ferrea, quaedam autem fictilis videbatur. [Videbas] ita, donec abscisus est lapis de monte sine manibus et percussit statuam in pedibus eius ferreis et fictilibus et comminuit eos. Tunc contrita sunt pariter ferrum, testa, es, argentum et aurum et redacta quasi in favillam aestivæ areae, quæ rapta sunt a vento nullusque locus inventus est eius. Lapis autem qui percussit statuam factus est mons magnus et implevit universam terram. Hoc est sompnum, interpretationem quoque eius dicemus coram te rex: tu rex regum es et deus celi regnum et fortitudinem et imperium et gloriam dedit tibi et omnia in quibus habitant filii hominum et bestiae agri volucresque celi [dedit] in manu tua et sub dicione tua universa constituit. Tu es ergo caput aureum, et post te consurget regnum aliud minus te et regnum tertium aliud ereum, quod imperabit universae terrae, et regnum quartum erit velut ferreum.

---

3 veritatis. Et hoc nunciavit Marie per angelum suum dicentem: dabit illi dominus deus sedem David patris eius et regnabit in domo Jacob in eternum et regni eius non erit finis ac cessare fecit Romanam potentiam *K.* || 4 *ad voc.* cessare: *Ezech. 37 c. V* in marg. || 5 illam *K.* || 5. 6 somnio Nabugodonosor *K.* || 7 advertas attente *K.* *textus bibie V* in marg. — cf. Daniel 2, 31—40. || 8 statua subl. *Vulgata.* || 14 abscissus *Vulg. et K.* || 17 extive *V.* || 20 somnium *K.* || 21 rex *V. Vulg., deest in K.* || 27 minus te argenteum *Vulg.*



In diebus autem regnorum illorum suscitabit deus celi regnum, quod in eternum non dissipabitur, et regnum quod populo alteri non tradetur. Comminuet autem et consumet universa regna haec et ipsum stabit in eternum  
 5 secundum quod vidisti, quod de monte abscisus est lapis sine manibus et comminuit testam et ferrum et es et argentum et aurum. Statua siquidem illa, Fabi, figuratur monarchia mundi, quae diversis temporibus singulis quatuor populis a deo permissa fuit, Assyriis primo,  
 10 secundo Persis et Medis, tertio Grecis per Alexandrum, quarto Romanis, et quatuor regna illa sompni quatuor istec magna regna fuerunt, lapis vero abscisus figuratur Christus, qui natus est tempore Octaviani Romanorum imperatoris primi. Et ipse Christus rex regum missus  
 15 a deo patre eius comminuit omnia regna haec et regnum mundi in se assumpsit et eius potestas usque ad mare et a fluminibus usque ad fines terrae. Et factum est regnum huius mundi domini nostri Jesu Christi, de quo dicitur in Ezechiele: et faciam eos gentem meam et erit  
 20 unus rex omnibus imperans, et in Mateo: data est ei omnis potestas in celo et in terra. In hoc autem imperio suo sive regno Christus instituit vicarium suum Petrum principem apostolorum in spiritualibus, dicens: quodcunque ligaveris super terram, erit ligatum et in celis, in  
 25 temporalibus etiam dicens: pascere oves meas.

F. Haec dicta subtilia sunt, tamen dicitur Christum Petro in temporalibus exercitium prohibuisse, cum sibi

---

1 Daniel 2, 44—45. || 2 regnum eius alteri populo *Vulg.* || 4 omnia regna et ipsum *K.* || 6 et *post* ferrum *deest K.* *Finis textus bibie V* in marg. || 7 siquid *K.* || 8 *ysydorus V* in marg. || 11 illa istec quatuor regna magna fuere *K.* || 12 abscissus *K.* || 14 Et ipse Christus *deest K.* || 15 hec et in hunc mundum venit rex de quo dictum erat: eius pot. *K.* cf. Zacharias 9, 10. || 19 Ezechiel 37, 22. ibi et faciam *V.* || 20 Matheo *K.* cf. Matth. 28, 18. ibi data est *V.* || 21 Hoc autem imperium suum sive regnum Cristus reliquit Petro principi *K.* || 23 Matth. 16, 19. || 25 Joh. 21, 15. || 26 Cristum temporalium administracione non usum fuisse, Petro in temp. *K.*

dixerit: mitte gladium tuum in vaginam, ac etiam dixerit: regnum meum non est de hoc mundo.

B. Fabi, armis fortissimis uteris, attamen non nocent mihi. Christus enim per verba illa non prohibuit perpetuo, sed pro tunc tantum. Si enim voluisset perpetuo prohibere, dixisset expresse per verba perpetuitatem importantia, teneas videlicet vel habeas gladium tuum in vagina. Preterea hoc exprimit Christus inferius, ibi: nunc autem regnum meum non est hic. Hoc verbum  
 10 nunc quid importat, nisi tempus presens, et quod Christus tacite consentiat Petrum eius vices gerentem et successores eius gladio tempore alio uti posse? Ex predictis habes, quod Petrus fuerit dominus mundi in spiritualibus et temporalibus ac similiter domini sint sui legitimi suc-  
 15 cессores. Sed quamvis plena et generalis potestas attributa sit papae, tamen cum ex finibus condicionis humanae papa non valeat eam per se ubilibet exercere et tot negotiis insistere, deus alios principes ad temporalium exercitium tamquam summorum pontificum vicarios permisit  
 20 summique pontifices suam hanc condicionem cognoscentes aliis temporalium exercitium, imperatoribus videlicet exercitium temporalium generale, singulare vero regibus et dominis diversis tamquam vicariis suis etiam permiserunt, nullatenus se superioritate privantes, sed in multis occur-

---

1 dixit *K.* cf. Joh. 18, 11. ac etiam cum dixit *K.* cf. Joh. 18, 36. || 8 vaginam *K.* inferius cum dicat: nunc *K.* || 10 quasi Christus *K.* || 12 alio tempore uti posse. Et licet Christus et eius vicarius Petrus et multi successores eius regimen et administracionem temporalium omiserint, tamen per hoc non domini in temporalibus dici non debent. Dominus enim, quamvis administracionem suorum bonorum concedet alteri, dominus tamen illorum bonorum remanet. Deus enim sciens, quod ex finibus conditionis humane papa non valeat potestatem suam ubilibet per se personaliter exercere et tot negociis insistere, principes ad temp. etc. *K.* || 19 misit *K.* || 22 singularem *K.* || 23 suis ex inspiracione divina etiam permisere *K.* || 24 *ad vocem* superioritate: *c. solite de maio. et obe V* in marg.

rentibus casibus superioritatem ipsam demonstrantes. Con-  
fiteamur itaque papam tanquam successorem Petri et non  
alium esse dominum mundi in spiritualibus et tempora-  
libus directum et generalem et regem regum terrae,  
5 ipsumque regnum suum in temporalibus per reges et  
principes ac alios etiam officiales, potestates, gubernatores  
regere posse et regere certe. Nam qui per alium facit,  
per se ipsum facere videtur. Ac Johannes papa XXII  
se dominum totius mundi pro certo tenens a iurisdictione  
10 imperii Italiam magnanime exemit, et catholici impera-  
tores seu reges Romanorum idem tenentes fidelitatem  
ecclesiae Romanae et summis pontificibus hucusque iura-  
runt et coronam auream et approbaciones receperunt, nec  
non rex Hierusalem et Siciliae, qui Neapoli residere  
15 solet et residet, et Sardiniae ac Aragonum, Angliae Un-  
gariae reges identidem sentientes fidelitatem similiter  
hucusque iurarunt et censum seu tributum singulis annis  
ecclesiae Romanae persolverunt.

F. Doctor mi, de hac doctrina ago tibi gratias et  
20 deum exoro supplex, quod inspiret summos pontifices, ut  
regnum suum conservare magnanime velint, quia haec  
esset exaltatio Romae, cum ecclesia dicatur ecclesia Ro-  
mana et etiam ecclesia potens magis venerabitur et here-  
ticos ac hostes eius fortius domare poterit.

---

1 operantes. Ipsi etiam temporalia omiserunt, ut spiri-  
tualibus attentius vacarent, non temporalia pro derelicto ha-  
bentes. Confit. itaque p. t. succ. P. dominum esse mundi *K.* ||  
4 et ante regem *deest K.* || 6 ac per alios *K.* || 7 posse ac  
*K.* || *ad vocem* qui: *de reg. iur. l<sup>o</sup> VI V* in marg. || 8 videtur,  
et qui pro alio facit, illius pro quo facit vicarium esse constat.  
At Johannes *K. ad vocem* Johannes: *In extravaganti sua*  
*quae incipit: ne prebeat V* in marg. *pretereat* cod. Vat. 4167. ||  
9 totius orbis *K.* || 11 *ad vocem* fidelitatem: *ut c. veñ. de electio.*  
*V* in marg. || 12 et—hucusque *desunt K.* iurarunt et a sum-  
mis pontificibus *K.* || 13 approbacionem hucusque *K.* || 15 ac  
Sardinie Aragonum *K.* || 16 ididem *K.* similiter *deest K. ad*  
*vocem* censum: *ut in l<sup>o</sup> camere apostolice V* in marg. || 21 regn.  
suum temporale *K.* quia hoc *K.* || 23 veneraretur ac heret. et  
hostes *K.* || 24 posset *K.*



B. Multa super hac re per plures dicuntur, sed secundum veritatem credo dixisse satis. Auctoritates enim sacrae paginae auctoritatibus hominum etiam summorum pontificum positivis sunt preferendae. Nox est et crastina  
 5 die equitabo Senas. Si quid ibi vis, iube. Vale.

F. Mi doctor et pater, me tibi commendo, deus gressus tuos dirigat in viam pacis.

---

2 auct. tamen sacre pagine tamquam a sancto spiritu procedentes *K.* || 7 pacis et salutis *K.* — Deo gratias. Amen. Per Petrum de Godis de Vicentia editum Rome tempore factionis predictae scilicet M<sup>o</sup> CCCC<sup>o</sup> LIII<sup>o</sup> de mense Januario pontif. Nicolai pape V Anno Septimo. V. — Deo gratias. Explicit dyalogon per Petrum de Godis de Vincencia editum Rome tempore prefate coniurationis die quarta Januarii, qua coniuratio revelata est anno domini 1463 pontificatus Nicolai pape quinti anni sexti. (*sic*) *K.*

---

## Index nominum et rerum memorabilium.

---

- Aeneas Sylvius vid. Pius II.  
Aldigerius, Dantes p. VIII.  
Aletes persona ficta verum  
(τὸ ἀληθές) pronuntians Ver-  
gilianum adsimulans Aleten  
II, 1 110.  
Alfonsus rex Neapolis et  
Siciliae II, 1 514. VIII, 60.  
p. 65. 66.  
Amigdanis, Nicolaus de,  
episc. Placentinus, Nicolai V  
vicecamerarius p. 58.  
Amyrras (Murad II) Turco-  
rum imperator VIII, 4. 159.  
IX, 23.  
Angelus Masi Porcarii soro-  
ris maritus p. VII. — II, 1  
11. 164. p. 59. 60.  
Argentis, Philippus de, Flo-  
rentinus p. IX.  
  
Baptista Lunensis p. VI.  
Barbarus, Franciscus p. XII.  
Baroncellus, Iohannes p. 60.  
Basinius Parmensis p. X.  
Beltramus Martini filius  
p. VIII. — II, 11 253. 260.  
Bernardinus Senensis p. 57  
sqq.  
Brippius, Iosephus p. IX.  
Buchellius, Arnoldus p. IV  
sqq.  
  
Calvus, Iacobus p. 59.  
Capranica, Dominicus de,  
cardinalis p. 58.  
Carolus Aretinus vid. Mar-  
suppinus.  
Clemens Angeli Masi filius  
II, 1 181. p. 59. 62.  
Condulmerius, Franciscus,  
episc. Portuensis, vicecan-  
cellarius Nicolai V papae  
p. 67.  
  
Dantes vid. Aldigerius.  
  
Eugenius IV papa p. 64. 65.  
66.  
  
Fabius Romanus p. 57 sqq.  
Fridericus III imperator.  
bellum gerit cum Matthia  
Corvino Ungariae rege VIII,  
144. monetur a poeta, ut  
Turcos propelleret Francis-  
cumque Sfortiam exercitui  
praeliceret VIII, 145 sqq. 165.  
  
Gabadeus, Franciscus p. 60.  
Gallus, Nicolaus, canonicus  
bas. S. Petri p. 59.  
Gaza, Theodorus p. III.  
Georgius, Dominicus p. XV.  
Godis, Petrus de p. XV. 57.

Homerus in latinum conversus a Marsuppino et Horatio p. X. 39.

Iohannes Aretinus vid. Tortellius.

Iohannes XXII papa p. 74.

Lelliccechi, Iacobus p. 59. 60.

Leonardus Aretinus p. VI.

Lucanus p. VIII.

Luscus, Antonius p. XII.

Malatesta, Sigismundus p. XIII.

Marsuppinus, Carolus p. X sqq. 40.

Matthias Corvinus Ungariae rex p. XIV.

Monte Rotundo, Petrus de, p. 67.

Moschus poeta graecus p. IX.

Nicodemus Tranchedinus p. X. 37.

Nicolaus V papa. carmen ei dicatum I, 1sq. opera ab eo aedificata p. VI. — I, 35sq. II, II 241sq. p. 64. vitae eius insidias parat Porcarius p. VII. — II, 1sq. p. 57sq. a Scipione appellatus II, II 424. felicissima eius aetas II, I 484sq. p. 64.

Pausanias Byzantii conditor VIII, 6. X, 5.

Petrus Lunensis secretarius apostolicus p. IV. VI. 1. eius filius Baptista p. VI.

Philippus Maria dux Mediolani p. 66.

Piccolomini vid. Pius II.

Picininus VIII, 64. X, 28.

Pilatus, Leontius p. XII.

Pius II papa (Aeneas Sylvius de Piccolominis). Mantuae

cum principibus agit de Turcis propulsandis VIII, 19sq. Romam inde recedit VII, 7. Parentibus sepulcrum fieri iubet Senis IX, 35sq.

Politianus, Angelus p. IX.

Porcarius, Cencius p. 68.

Porcarius, Stephanus p. VII. 4sq. 57sq. Porciorum cognomen assumpsit II, I 353. p. 68. mater eius II, II 32. soror Angeli Masi uxor II, I 12. p. 60. altera soror Iacobi Lelliccechi uxor p. 60. eius domus in regione Minervae p. 67.

Porcelius poeta p. XI.

Portuensis episcopus vid. Condulmerius.

Pulcelletus (Poncelleto di Pietro Venerameri) p. 64.

Roma. quattuor urbis status II, I 412sq. moenia turreaque a Nicolao V restaurata p. 64. Capitolium p. 62. 64. Castrum S. Angeli p. VII. 64. — II, II 243. Colosseum I, 39. II, II 169. Pantheon (S. Maria Rotunda) p. VII. — I, 47. p. 65. Aedes Vaticanae p. VII. — I, 63. II, II 276. — p. 64. Palatium Conservatorum p. 64. Palatium apud S. Mariam Maiorem p. VI. 64. — I, 45. Palatium apud basilicam Lateranensem p. 64. Basilica S. Petri II, II 267. p. 65. Ecclesia S. Stephani rotundi p. 64. S. Theodori p. 65. Pons Milvius seu Mollius p. VII. I, 61. Platea Minervae p. 58. 67. Regio Arenulae p. 60.



Sabella familia IX, 51.

Salutatus, Colucius p. XII.

Sarra vel Sciarra, Baptista  
II, I 306. p. 58. 59.

Scipio Africanus maior p. VIII.  
II, II 121sqq.

Sforza, Franciscus, dux Mediolani, antea imperator exercitus Venetorum VIII, 43sqq. Hannibal dictus ab Horatio VIII, 64 sicut a Porcelio, cf. Voigt Wiederbelebung <sup>3</sup>I, 494. Verona urbe eiectus VIII, 65. bella quae cum Alfonso rege Neapolis gessit p. IX. — II, I 514. IV, 27. p. 66. optat poeta, ut bello Turcico praeesset VIII, 165. X, 1sqq.

Tortellius, Iohannes, Are-

tinus p. XI. — II, II 307. 401.

Tranchèdinus vid. Nicodemus.

Trapezuntius, Georgius  
p. III.

Turci vel Turchi VIII, 29sqq. X, 50sqq. Teucrici dicti VIII, 50. 151. X, 156.

Ursinus, Latinus, cardinalis  
p. 60.

Valla, Laurentius p. III.

Veneti VIII, 75sqq. X, 58. foedus ab iis cum Alfonso rege contra Sfortiam ictum VIII, 59. X, 24.

Vergilius p. VIII.

Vossius, Iohannes Gerardus  
p. IV.



[illegible]

\_\_\_\_\_

NOT TO BE TAKEN FROM THIS ROOM



161439

Author


Title

DATE DUE

BORROWER'S NAME

DATE DUE

BORROWER'S NAME





161439

BOSTON COLLEGE



3 9031 01140629 5

**BOSTON COLLEGE LIBRARY  
UNIVERSITY HEIGHTS  
CHESTNUT HILL, MASS.**

Books may be kept for two weeks and may be renewed for the same period, unless reserved.

Two cents a day is charged for each book kept overtime.

If you cannot find what you want, ask the Librarian who will be glad to help you.

The borrower is responsible for books drawn on his card and for all fines accruing on the same.



